

**2023KO APIRILAREN 4AN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Laua.

HILABETEA: Apirila.

URTEA: Bi mila eta hogeita hiru.

HASIERAKO ORDUA: Arratsaldeko zazpiak

BATZARRALDIAREN IZAERA: Ohikoa.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

UDALBURUA: LEIRE ARTOLA UGALDE

BILDUAK:

EAJ-PNV

- LEIRE ARTOLA UGALDE
- ADUR UGARTEMENDIA LEUNDA (EAJ-PNV)
- MARIA LUISA VALLÉS FERNÁNDEZ
- FRANCISCO JAVIER MATARRANZ RICO
- MARIA ELENA RUIZ ZABALA
- EDORTA DIAZ DEL RIO
- JON OLANO ARRESE
- AMETS ARROSPIDE ZUBELDIA
- MIKEL PLAZAOLA OYARZABAL

Beasaingo EH Bildu

- NEREA MANZISIDOR MENDIZABAL
- HASIER AGIRRE ELKOROBerezibar
- YOLANDA HERNANDEZ RODRIGUEZ
- JOSEBA MIKEL OLANO GUEMBE

- AITOR URDANGARIN IRASTORZA

Socialistas Vascos-Euskal Sozialistak

- EVA ALVAREZ ATANES

- ANGEL REDONDO FERNANDEZ

ETORRI GABEA: AINARA AYESTARAN ALDASORO

IDAZKARIA: Itziar Aroztegui Apaolaza

Bileran ere parte hartu du Lurdes Alegria Lasa kontuhartzaileak.

Bapateko itzulpen lanetan Lurdes Auzmendi Aierbe ibili da "Traductores e intérpretes" S.A.ren enpresakoa.

1.- AURREKO AKTA. 2023-03-02ko aktaren onespena.

Aipatutako aktaren berri eman ondoren, aho batez onartu da berarekiko zer esanik ez dagoelako.

2.- ANTOLAKUNTZA BATZORDEKO PROPOSAMENAK:

a.- KREDITU ALDAKETA. 2. KREDITU TRANSFERENTZIEN ESPEDIENTEA ETA DIRULAGUNTZEN ERANSKINAREN ALDAKETA. 2023TRFR0002

Ezagutzera eman da Alkatearen proposamena, Antolakuntza batzordean tratatutakoa:

"GAIA.- Kreditu Aldaketa. 2. Kreditu Transferentzien Espedientea eta Dirulaguntzen eranskinaren aldaketa.

Alkatetza honek Udalbatzari ondorengo Akordio Proposamena egiten dio:

1.- 2. Kreditu transferentzien bidez 34.166,00 euroko zenbatekoaz eta eranskinean zehazten den moduan finantzatzen den kreditu aldaketa hasiera batean onartzea, eta kapituluka honela laburtzen dena:

GASTUEN GEHIKUNTZA

Kap.	Izena	Euro
4	Transferentzia arruntak	34.166,00
GASTUEN GEHIKUNTZA / INCREMENTO GASTO		34.166,00

GASTUEN BAJAK

Kap.	Izena	Euro
2	<i>Gastu arrunt eta zerbitzuen erosketa</i>	13.500,00
4	<i>Transferentzia arruntak</i>	20.666,00
FINANTZIAZIOA		34.166,00

2.- Dirulaguntzen eranskinaren aldaketa hasiera batean onartzea, bertan espediente honen helburu ondorengo partidak handituz edota txertatuz: 0240.481.330.00.15, 0240.481.330.00.25, 0380.481.338.00.02, 0380.481.338.00.03, 0380.481.338.00.04.

3.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.”

Hitz egiteko txanda eman ondoren, bildutakoek proposamenarekiko adostasuna azaldu dute:

Bozketa eginda, aho batez onartu da 2. kreditu transferentziaren espedientea eta dirulaguntzen eranskinaren aldaketa, alde batetik Goizeresi Txistularien Elkartean 13. 500 €ko partida izenduna jartzeko eta bestetik landa-auzoetako festetarako lehen aurrekontuan jarrita zegoen partida orokorra, auzo bakoitzeko festak ordaintzeko beharrezkoak diren kontusail zehatzak sortzeko.

b.- KREDITU ALDAKETA. KREDITU GEHIGARRIAK, 2. 2023CRAD0002

Ezagutzera eman da Alkatearen proposamena, Antolakuntza batzordean tratatutakoa:

“Honekin batera doan proposamenean zerrendatutako gastua egin beharra izanik eta hau finantzatzeko aurrekontu krediturik ez dagoela kontutan hartuz, Alkatetza honek Udalbatzari ondorengo Akordio Proposamena egiten dio:

1.- 2. Kreditu gehikuntzen bidez 124.500,00 euroko zenbatekoaz eta eranskinean zehazten den moduan finantzatzen den kreditu aldaketa hasiera batean onartzea, eta kapituluka honela laburtzen dena:

GASTUEN GEHIKUNTZA

Kap.	Izena	Euro
2	<i>Gastu arrunt eta zerbitzuen erosketa</i>	12.500,00
6	<i>Inbertsio errealak</i>	112.000,00
GASTUEN GEHIKUNTZA / INCREMENTO GASTO		124.500,00

SARRERAK

Kap.	Izena	Euro
8	<i>Finantza aktiboak</i>	124.500,00

	FINANTZIAZIOA	124.500,00
--	----------------------	------------

2.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.”

Hitz egiteko txanda eman ondoren, bildutakoek proposamenarekiko adostasuna azaldu dute:

Bozketa eginda, aho batez onartu da 2. kreditu gehigarrien espedientea. Kreditu gehikuntza hauek egingo dira:

- Hilerria berritzeko proiektua (32.000 €ko kreditu gehigarria) eta eraberritzea egikaritzeko (62.000 € kreditu gehigarria).
- Udal biltegiako fenwich-a estropeatu denez 18.000 €ko kreditu gehigarria.
- Lazkaibarko urbanizazio lanak bukatu diren honetan bertako itxiturak lehen baino konponketa gehiago egin beharra somatzen da. Beraz, 12.500 €ko kreditu gehigarria.

c.- KONPROMISUZKO KREDITUEN ERANSKINA ALDATZEA. 2023EKBO0037

Ezagutzero eman da Alkatearen proposamena, Antolakuntza batzordean tratatutakoa:

GAIA.- Konpromisuzko kredituen eranskinaren aldaketa. Cita Alzheimer hitzarmena eta Dolarea parkeko ur-jolasen mantenimendu

AURREKARIAK

1.- CITA ALZHEIMER FUNDAZIOAekin hitzarmen bat sinatzeko prozedura hasiko da. Hitzarmenaren xedea finantzatzeko, 50.000,00 euro emango dira urtean 2023ko eta 2024ko ekitaldietan. Bestalde, Dolarea Parkeko ur-jokoen mantentze-zerbitzua (17.000,00 €/ urte) kontratatzen hasiko da 2 urtez, eta beste 2 urtez luzatzeko aukera egongo da.

2.- 2023ko ekitaldiari dagokion kreditua erabilgarri dago baina ez da aurreikusi ondorengo ekitaldietarako beharko dena, beraz, beharrezkoa da hurrengo ekitaldietarako behar diren kredituak hornitzea, konpromiso-kredituen eranskinean txertatuta.

Hau guztia dela eta, Udalbatzari egiten zaio ondorengo PROPOSAMENA

Lehenik.- Konpromisuzko Kredituen Eranskina aldatzea, bertan ondorengo konpromisuzko kredituak txertatuz:

2.024 urtea:

0220.481.312.10.01: 50.000,00€

0390.210.337.30.01: 17.000,00 €”

Hitz egiteko txanda eman ondoren, bildutakoek proposamenarekiko iritzia hauek azaldu dituzte:

Hasier Agirre Elkoroberezibar jaunak (Beasaingo EH Bildu): “Gu puntu honetan abstenitu egingo gara, hasieratik Dolareako ur-jokoen instalazioekin zalantzak izan ditugulako, funtzionamendu eta jasangarritasunaren ikuspuntuari dagokionean eta mantenuak suposatzen duen gastu gehigarriarengatik. Cita Alzheimerena ondo ikusten dugu baina biak batera doanez, abstenitu egingo gara.”

Alkate andreak (EAJ-PNV): “Dolarea parkeko erabilerak justifikatzen du bertan egin behar diren mantenu lanen beharra, batik bat uraren kalitatea eta higiena bermatu behar ditugulako gure herritarrek eta batez ere hurrek jasaten dutelako eta ura momentu oro kalitate onekoa izan behar duelako. Jasangarritasunaren inguruan esan, bertako ura bueltaka dabilela eta ez

dagoela ur-galtzerik. Jokoak jasagarriak dira baina kalitatea bermatzeko kontrolak egin behar dira eta horrek gastua suposatuko dio udalari urtero-urtero baina, gure ustez behintzat, erabilerak justifikatzen duena.”

Bozketa eginda, ondorengo emaitza lortu da:

Aldeko botoak: 11 (EAJ-PNV, Socialistas Vascos-Euskal Sozialistak)

Aurkako botoak: 0

Abstentzioak: 5 (Beasaingo EH Bildu)

Horren ondorioz, gehiengo osoarekin proposamena onartu egin da.

d.- OGASUN ETA FINANTZA SAILAREN ETA GIPUZKOAKO UDALEN ARTEKO INFORMAZIO-TRUKERAKO ESPARRU-HITZARMENERA ATXIKITZEA. 2023EKBO0026

Ezagutzera eman da, Antolakuntza batzordeko proposamena, hau da:

“AURREKARIAK

NISAEtik kanpo datu-mota berriak edo informazio-eskaera berriak sor daitezkeela aurreikusita, hala nola udalerriko higiezinaren ondare-eskualdaketei buruzkoa eta kontu korrontearen zenbakia egiaztatzea, Foru Aldundiak esparru-hitzarmen bat onartu du, NISAE plataformaren bidez trukaturako informazio-hornidurak osatzeko.

Udalak bere eskumenak erabiltzeko proposaturako informazio-trukean duen interesa kontuan hartuta, Udalbatzari egiten dio ondorengo

AKORDIO PROPOSAMENA

Ogasun eta Finantza Sailaren eta Gipuzkoako Udalen arteko informazio-trukerako esparru-hitzarmenera atxikitzeko eskatzea. Proposamen honekin batera doa hitzarmen hori eta berari dagozkion eranskinekin.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu dira, ondorengo hitzarmenari eta bere eranskinei Beasaingo Udala atxikitzea:

Ogasun eta Finantza Departamentuaren eta Gipuzkoako udalen artean informazioa elkartrukatzeko esparru hitzarmena onartzen duen Foru Agindua.

Urriaren 1eko 40/2015 Legeak, Sektore Publikoaren Araubide Juridikoarenak, 141.1.c) artikuluan ezartzen du administrazio publikoen arteko lankidetzaren betebeharrak dela beste administrazio batzuei behar duten informazioa ematea, beren eskumenak egikaritzeko egiten duen jardueraren inguruan.

Lankidetzaren betebeharrak hori garatzeko, Ogasun eta Finantza Departamentuak eta Gipuzkoako udalek informazioa trukatzeko sistema egonkor eta elkarrekikoa ezarri dute.

Gaur egun, beharrezkoa da sistema hori eguneratzea 2014an sinatutako hitzarmenaren aurreikusitako informazio- elkartrukaketak aldatu egin dira NISAE elkarreragingarritasun-plataforma abian jarri delako.

NISAEren funtzionamendua, 2018ko abenduaren 5ean Euskal Autonomia Erkidegoko Administrazio Orokorraren eta Gipuzkoako Foru Aldundiaren artean, administrazio

elektronikoko oinarrizko irtenbideak elkarri emateko sinatutako lankidetzaren hitzarmenean jasota dago.

Hitzarmenaren II. Eranskinean Administrazio Elektronikoko Zerbitzuen Katalogoa agertzen da eta 3. Atalean Euskadiko Administrazioen Segurtasunerako eta Elkarreragintasunerako Nodoa (NISAE).

NISAE Euskadiko administrazio publikoen arteko datu-bitartekaritzarako plataforma da. Horren bidez, euskal administrazio publikoek paperezko ziurtagirien ordezkotako datuak eman diezazkiokete elkarri eta truke bera egin dezakete Estatuko gainerako administrazioekin.

Gipuzkoako Lurralde Historikoko udal guztiak dagoeneko atxiki zaizkio NISAE plataformari, eta, gaur egun, Ogasun eta Finantza Departamentuak ematen duen informazio gehiena haren bidez lor daiteke elkarreaginean.

Hala eta guztiz ere, informazio batzuk ezin dira eman, edo oraindik ez dago eskuragarri plataforma horretan. Hala, udalerriko higiezinaren ondare-eskualdaketei eta kontu korrontearen zenbakiaren egiaztapenari buruzkoa.

Egoera horretan, eta NISAEtik kanpo datu- mota berriak edo informazio-eskaera berriak sor daitezkeela aurreikusten denez, bidezkoa da departamentuaren eta udalen arteko hitzarmen berri bat onartzea, indarrean dagoena ordezkatzuz, NISAE plataformaren bidez trukaturako informazio- hornidurak osatzeko.

Horretarako, esparru hitzarmen bat diseinatu da, eta udal bakoitza atxiki ahal izango zaio. Horrela, Foru Administrazioaren eremuan bitarteko elektronikoen erabilera arautzen duen 23/2010 Foru Dekretuaren printzipioak errespetatzen dira, eta, aldi berean, esparru hitzarmenaren eranskinetan jasotzen diren informazio elkartrukaketak formalizatzeko modu azkar eta eraginkor bat lortzen da.

Honenbestez, hau

EBAZTEN DUT

1. artikulua.- Ogasun eta Finantza Departamentuak eta Gipuzkoako udalek informazioa elkartrukatzeko esparru hitzarmena onartzea.
Ogasun eta Finantza Departamentuaren eta Gipuzkoako udalen artean informazioa elkartrukatzeko esparru hitzarmena onartu da.
Esparru hitzarmen horren testua foru agindu honen A eranskin gisa ageri da.
2. artikulua.- Esparru hitzarmenari atxikitzea.
Gipuzkoako udalak foru agindu honetan onartutako esparru hitzarmenari atxikitzeke, foru agindu honen B eranskinean agertzen den atxikipen agiria bete beharko da. Dokumentu hori Ogasun eta Finantza Departamentura igorriko da, Gipuzkoako Foru Aldundiaren egoitza elektronikoan dagoen Erregistroak Interkonektatzeko Sistemaren bidez. (SIR).

Azken xedapena

Foru Agindu hau Gipuzkoako Aldizkari Ofizialean argitaratu eta hurrengo egunetik aurrera atxikitu ahal izango dira udalak esparru hitzarmen honetara.

SOLASKIDEAK ETA BAIMENDUTAKO PERTSONAK IZENDATZEA

1 eranskina: KONTU KORRONTE ZENBAKIA EGIAZTATZEA

-Udalaren aldeko solaskidea.
Izen-deiturak: xxxxxx
Lanpostua. Diruzaina
e-posta: xxxxx

2. eranskina: ESKRITURETARA SARBIDEA

2.a. Emandako informazioan sartzeko baimendutako pertsonak (2 gutxienez, arduraduna ez dena).

(1)Izen-deiturak: xxxx
Lanpostua: Diruzaina
e-posta: xxxx

(2) Izen-deiturak: xxxx

Lanpostua. Zergabilketako teknikaria
e-posta. xxxxx

(3)...

2.b. Udalaren aldeko solaskidea
Izen-deiturak: xxxx
Lanpostua. Diruzaina
e-posta: xxx

Udalak, alkateak edo beste organo baimendu batek elektronikoki sinatuko duen dokumentu hau Ogasun eta Finantza Departamentura igorriko du SIR (DIR LA0016043) bitartez.

Datu hauek edozein unetan aldatu ahal izango dira bide beretik.

1.- Eranskina. Kontu korrante zenbakia egiaztatzea

- Erabiltzaileen kudeaketaz eta emandako informazioaren segurtasunaz eta kontrolaz arduratuko den organoa.

Izen-deiturak: xxxxx

Lanpostua: Antolaketako eta giza baliabideetako teknikaria

e-posta: xxxxx

2.- Eranskina (D-6). Udalerrian dauden higiezin OE eta EJD operazioen datu eta notaritzako eskrituretara sarbidea, Hiri- Lurren Balioaren Gehikuntzaren gaineko Zerga eta beste udal zerga batzuk kudeatu eta biltze aldera.

- Erabiltzaileen kudeaketaz eta utzitako informazioaren segurtasunaz eta kontrolaz arduratuko den organoa

Izen-deiturak: xxxxxx

Lanpostua: Antolaketako eta giza baliabideetako teknikaria

posta: ***** “

e.- BEASAINGO UDALAREN ETA EUSKO JAURLARITZAREN INFORMATIKA ELKARTEA, S.A. (EJIE)REN ARTEKO LANKIDETZA- HITZARMENA KZGUNEAK ZENTROEN IREKIERA, ERABILERA ETA APROBETXAMENDUA ARAUTZEKO, KZ CIUDADAN@ PROGRAMAREN ESPARRUAN. 2023PEBO0052

Ezagutzera eman da Antolakuntza batzordeko proposamena, hots:

"AURREKINAK

LEHENENGO.- 2001eko apirilaren 10ean Gobernu- kontseiluak "Konekta Zaitetz Ciudadan@" programa "Euskadi Informazioaren Gizartean" planean sartzea onetsi zuela. Akordio horren bidez, "Konekta Zaitetz Ciudadan@" programaren kudeaketa eta jarraipena egitea Informazioaren eta Komunikazioen Teknologien Zuzendaritzaren esku uzten da, Eusko Jaurlaritzaren Informatika Elkarte SA (EJIE)ri programa burutzeko beharrezkoak diren adina zeregin informatiko esleitzeko ahalmena ematen dio.

BIGARREN.- KZguneen euskal sare publiko hori Eusko Jaurlaritzako Informazio eta Komunikazio Teknologien Zuzendaritza beraren mende dago oraindik ere, eta zuzendaritza horrek urtero "Konekta Zaitetz" programa, aurrerantzean KZgunea, garatzea Eusko Jaurlaritzaren Informatika Elkarte S.A. (EJIE)ren esku uzten du, eta udalekin zentroak irekitzeko eta kudeatzeko beharrezko akordioak formalizatzea.

HIRUGARREN.- Eusko Jaurlaritzak eta Euskadiko Udalen Elkarteak (EUDEL) 2002eko azaroaren 30an informazioaren gizartera sartu ahal izateko zentroen sare bat ("Konekta Zaitetz Ciudadan@" programa) martxan jartzea ahalbidetuko zuen akordioa sinatu dutela lankidetzaren marko bat ezartzeko.

LAUGARREN.- Gaur egun, KZgunea proiektua Euskadi Eraldaketa Digitalerako Estrategia 2025 – EEDE2025- esparruan kokatzen del, teknologia pertsonen zerbitzura jarri eta hurbiltzeko, gizarte digital ireki, demokratiko eta iraunkor bat lortzeko funtsezko pieza delarik.. Modu estrategikoan, integralean eta diziplina anitzekoa, IKTen abantailak aprobetxatu nahi dira gizarte- orientazioa duten bi helburu lortzeko: lehiakortasuna hobetzea eta herritarren ongizatea eta bizi-kalitatea hobetzea. Ildo horretan, KZgunea eta haren ezarpen zabala helburu horiek lortzeko ekintzak ezartzea ahalbidetzen duen aliatu handia bilakatzen da.

BOSGARREN.- Informazioaren eta Komunikazioaren Teknologien Zuzendaritza ados dago Beasain "Konekta Zaitetz Ciudadan@" programari atxikitzearekin. Programa hori 1. eranskinean adierazitako helbidean dagoen espazioan garatuko da, erabilera eta zerbitzu publikorako bideratua.

SEIGARRENA.- 2018ko uztailaren 3an EAEko KZgune zentroetan erabiltzaileei arreta ematen diharduten langileen aurkako jarrera oldarkorrak prebenitzeko eta horiei aurre egiteko plan bat onartu zuen EJIEk. Beasainko Udalak kontuan izan nahi du plan hori, zerbitzu hori eskaintzen den espazioaren erabilera-baldintzak berritu, eguneratu eta hitzarmen bakarrean jaso behar dira.

ZAZPIGARRENA.- Tokiko araudiek xedatzen dutenez, "jabari publikoko ondasunak erabiltzean, erabilera pribatibotzat joko da jabari publikoaren zati bat okupatzea, gainerako interesdunek erabiltzea mugatu edo galarazten duelarik". Orobat zehazten du jabari publikoko ondasunen erabilera administrazio-emakidari lotuta egongo dela. Administrazio Publikoen Ondareari buruzko azaroaren 3ko 33/2003 Legeak emakiden esleipen erregimena arautzen du 93. eta 94. artikuluetan. Bertan jasotzen denez, jabari publikoaren emakidak lehia aske bidez emango badira ere, zuzenean ere eman ahalgo dira, lege beraren 137.4 artikuluan aurreikusitako egoeretan, eta artikulua horretako a) atalak dioenez, hartzailea beste administrazio publiko bat bada, zuzenean esleitzeko aukera egongo da.

Horrenbestez, aipatu hitzarmenaren edukia Udalarentzat interesgarritzat jotzen duenez, Antolakuntza Batzordeak Udalbatzari honako hau aurkezten du iritzia eman dezan

PROPOSAMENA

LEHENENGOA.- Beasaingo Udalaren eta Eusko Jaurlaritzaren Informatika Elkarte, S.A. (EJIE)ren arteko lankidetzaren hitzarmena KZgunea zentroen irekiera, erabilera eta aprobetxamendua arautzeko, KZ ciudadan@ programaren esparruan hitzarmena sinatzea.

BIGARRENA: Alkate-lehendakariari ahalmena ematea aipatu hitzarmena Beasaingo Udalaren izenean eta ordezkaritza sinatuz.

HIRUGARRENA: Eusko Jaurlaritzaren Informatika Elkarteari erabaki honen berri ematea, horretarako dagokion ziurtagiria eginez."

Hitz egiteko txanda eman ondoren, bildutakoek proposamenarekiko ondorengo iritzia azaldu dituzte:

Eva Alvarez Atanes (Socialistas vascos-Euskal Sozialistak): "Estamos de acuerdo con el convenio porque siempre hemos valorado positivamente la tarea que se lleva a cabo por Kz gunea, sobre todo para la mejora de los usos de las Tics, para eliminar las barreras de brecha tecnológica, etc. Creemos que es un buen trabajo con miras a la ciudadanía. El servicio también se resintió por la crisis de la COVID-19, se cerró y se ha vuelto a abrir porque hubo varias reclamaciones y lo que no sabemos es si se ha abierto compartiendo horarios con otros municipios o no, ya que en el convenio eso no se recoge."

Alkate andreak (EAJ-PNV): "Ordutegiarena ez da hitzarmenean jasotzekoa. Dena dela kontuan hartuko da gure herritarrei zerbitzua ahalik eta osoena eta zabalena ematea. Azken aldian, oker ez banago, langile batek ematen ditu Ordizia eta Beasaingo zerbitzuak. Goizez herri batean eta arratsaldean bestean eta aldatzen joaten da. Beraz, ordutegiarena hitzarmenetik kanpo geratzen da baina landu egin behar dugu Eusko Jaurlaritzarekin, denon mesederako izateko."

Hasier Agirre Elkoreberezibar jaunak (Beasaingo EH Bildu): "Batzorde baten ere komentatu zen. Hitzarmenak udalari eskumena ematen dio Kz gunearen antolaketarako. Batzordean Kz gunearen datuak pasatu zitzaizkigun eta ikusten duguna da marjina dagoela Kz gunea gauza gehiagotarako erabiltzeko. Hori dela eta proposatu genuen beste erakunde batzuekin (EPA, ikastetxeak,...), lankidetzara sustatzea, Kz guneari erabilera anitzagoa emateko eta zerbitzua zabaltzeko."

Alkate andreak (EAJ-PNV): "Bai, zerbitzua zabaltzeko eta gure gain dauden pantaila eta tresna digitalak jendearen esku jarri. Jakiin badakigu Kz gunea Ezkiaga auzoan dagoela baina Kz gunean gaurko egunean zein zerbitzu eskaintzen dituzten herritar askok ez dakite. Zentzu horretan publikitatea egitea ere egokia ikusten dut."

Bozketa eginda, aho batez ondorengo hitzarmena onartu da:

"BEASAIN UDALAREN ETA EUSKO JAURLARITZAREN INFORMATIKA ELKARTEA, S.A. (EJIE)REN ARTEKO LANKIDETZA- HITZARMENA KZGUNEA ZENTROEN IREKIERA, ERABILERA ETA APROBETXAMENDUA ARAUTZEKO, KZ CIUDADAN@ PROGRAMAREN ESPARRUAN

Beasain, sinadura elektronikoaren datan

Alde batetik, LEIRE ARTOLA UGALDE Alkate jauna/andrea, Beasainko Udalaren ordezkaria,

Bestetik, ASIER SÁEZ DE VICUÑA ORTUETA jauna, EJIE S.A.ko zuzendari nagusia, enpresa hori ordezkatzuz,

HAUXE ADIERAZTEN DUTE

1.- 2001eko apirilaren 10ean Gobernu- kontseiluak "Konekta Zaiten Ciudadan@" programa "Euskadi Informazioaren Gizartean" planean sartzea onetsi zuela. Akordio horren bidez, "Konekta Zaiten Ciudadan@" programaren kudeaketa eta jarraipena egitea Informazioaren eta Komunikazioen Teknologien Zuzendaritzaren esku uzten da, Eusko Jaurlaritzaren

Informatika Elkarte SA (EJIE)ri programa burutzeko beharrezkoak diren adina zeregin informatiko esleitzeko ahalmena ematen diolarik.

2.- KZguneen euskal sare publiko hori Eusko Jaurlaritzako Informazio eta Komunikazio Teknologien Zuzendaritza beraren mende dago oraindik ere, eta zuzendaritza horrek urtero "Konekta Zaitetz" programa, aurrerantzean

KZgunea, garatzea Eusko Jaurlaritzaren Informatika Elkarte S.A. (EJIE)ren esku uzten du, eta udalekin zentroak irekitzeko eta kudeatzeko beharrezko akordioak formalizatzea.

3.- Eusko Jaurlaritzak eta Euskadiko Udalen Elkarteak (EUDEL) 2002eko azaroaren 30an informazioaren gizartera sartu ahal izateko zentroen sare bat ("Konekta Zaitetz Ciudadan@" programa) martxan jartzea ahalbidetuko zuen akordioa sinatu dutela lankidetzako marko bat ezartzeko.

4.- Gaur egun, KZgunea proiektua Euskadi Eraldaketa Digitalerako Estrategia 2025 – EEDE2025- esparruan kokatzen del, teknologia pertsonen zerbitzura jarri eta hurbiltzeko, gizarte digital ireki, demokratiko eta iraunkor bat lortzeko funtsezko pieza delarik.. Modu estrategikoan, integralean eta diziplina anitzekoa, IKTen abantailak aprobetxatu nahi dira gizarte- orientazioa duten bi helburu lortzeko: lehiakortasuna hobetzea eta herritarren ongizatea eta bizi-kalitatea hobetzea. Ildo horretan, KZgunea eta haren ezarpen zabala helburu horiek lortzeko ekintzak ezartzea ahalbidetzen duen aliatu handia bilakatzen da.

5.- Informazioaren eta Komunikazioaren Teknologien Zuzendaritza ados dago Beasain "Konekta Zaitetz Ciudadan@" programari atxikitzearekin. Programa hori 1. eranskinean adierazitako helbidean dagoen espazioan garatuko da, erabilera eta zerbitzu publikorako bideratua.

6.- 2018ko uztailaren 3an EAEko KZgune zentroetan erabiltzaileei arreta ematen diharduten langileen aurkako jarrera oldarkorrak prebenitzeko eta horiei aurre egiteko plan bat onartu zuen EJIEk. Beasainko Udalak kontuan izan nahi du plan hori, zerbitzu hori eskaintzen den espazioaren erabilera-baldintzak berritu, eguneratu eta hitzarmen bakarrean jaso behar direlarik., eta

7.- Tokiko araudiek xedatzen dutenez, "jabari publikoko ondasunak erabiltzean, erabilera pribatibotzat joko da jabari publikoaren zati bat okupatzea, gainerako interesdunek erabiltzea mugatu edo galarazten duelarik". Orobat zehazten du jabari publikoko ondasunen erabilera administrazio-emakidari lotuta egongo dela. Administrazio Publikoen Ondareari buruzko azaroaren 3ko 33/2003 Legeak emakiden esleipen erregimena arautzen du 93. eta 94. artikuluetan. Bertan jasotzen denez, jabari publikoaren emakidak lehia aske bidez emango badira ere, zuzenean ere eman ahalko dira, lege beraren

137.4 artikuluan aurreikusitako egoeretan, eta artikuluko horretako a) atalak dioenez, hartzailea beste administrazio publiko bat bada, zuzenean esleitzeko aukera egongo da.

Hori kontuan izanik, bi aldeei komeni zaie lankidetzako hitzarmen hau sinatzea, horrek EJIEri 1. eranskinean adierazitako helbidean adierazitako gela bat zuzenean emateko bide emango baitu, herri administrazioen arteko lankidetzako arduratsua lortzea helburu, eta, horrenbestez, egoki da Beasainko Udalak KZgunea ireki, erabili eta aprobetxatzen laguntzea, bai eta KZgunean erabiltzaileei arreta ematen diharduten langileen aurkako jarrera oldarkorrak prebenitzeko eta horiei aurre egiteko plana kontuan hartzea ere, honako klausula hauei jarraiki:

KLAUSULAK

LEHENA. XEDEA

Hitzarmen honen helburua EJI Eren eta Beasainko Udalaren arteko lankidetzaren harremanak ezartzea da, 1. eranskinean adierazitako helbidean kokatutako KZgunea ireki, erabili eta aprobetxatzeko prestakuntza- programak eta KZguneak eskaintzen dituen gainerako zerbitzuak emateko eta, horrenbestez, Kurtzio Kultur Etxean dagoen gelaren jabari publikoko emakida arautzea.

BIGARRENA. LORTU NAHI DIREN HELBURU

KOMUNAK

Hitzarmen honetako aldeek adostu duten lankidetzak helburu partikular –zentro bakoitzarenak– eta orokor –KZgunea programarenak– hauek izango ditu:

- KZgunearen Zerbitzuen Kartan zehaztutakoei jarraikiz zabaltzea KZgunea zentroa. Zentroaren egutegia KZgune guztientzako egindako egutegi orokorrera egokituko da.
- Udalerriko herritarrei teknologia berrien inguruko prestakuntza libre, unibertsal eta egituratua ematea. Antolakuntza, laguntzaileak hautatzea eta baliabideen eskuragarritasuna zentroko hezitzaileen ardura izango dira
- Zerbitzuak ematen direla bermatzea, bai KZgunea programakoak bai udalak zentro horretan ematen dituenak zein hitzarmeneko aldeekin lankidetzan diharduten erakundeek ematen dituztenak, hala, zentroaren kalitate- irudia indartzeko.
- Ahalik eta jende gehienengana heltzea, bai udalerrri mailan, bai oro har, hiru lurralde historikoetan.
- Bi aldeen interesekoa den eta kostu ekonomikorik ez dakarren beste edozein, gastu hori onartzen dutenean izan ezik.

HIRUGARRENA. ZERBITZUAK EMATEKO BALDINTZAK:

- Lan egutegia: KZguneak lan egutegi estandar bat eratuko du bere zentro guztientzat, aurreko urteko azken hilabetean egin eta udaletxera bidaliko dena. Lan egutegi horrek beti Gobernuak onartutako estatu, autonomia erkidego, probintzia eta udal mailako jaiegunak hartuko ditu kontuan. Gainera, oro har, abuztuan jai hartuko dute KZguneek. Lan egutegia udalei jakinaraziko zaie Kudeaketa Zentroak onartu bezain laster. Edozein kasutan ere, lan-egutegi hori KZgunea kokatuta dagoen espazioa irekitzeko egun eta ordutegietara egokitu beharko da.
- Lokalaren irekitzeko orduak: ahal denean, hezitzaileei eta/edo KZguneari loturiko programetako begiraleei KZguneako prestakuntza- zerbitzuak eta kanpoko prestakuntza emateko beharrezkoak diren ordutegietan zentroen irekiera ahalik eta gehien erraztuko zaie.
- Lankidetzaren promozioan: ahal den heinean, KZgunean eskaintzen diren zerbitzuen promozioan lagunduko du. Lankidetzaren horrek kostua ekar dezake udalarentzat honelako ekintzak direla eta: gutunak inprimatzea,

KZguneak helarazitako propaganda banatzea, zentroa promozionatzeko ekitaldiak antolatzea, etab.

LAUGARRENA. ZERBITZUEN ZERRENDIA

KZguneetako zerbitzu estandarrak

Indarrean dagoen Zerbitzuen Kartan sartuta daudenak.

KZguneetako zerbitzu ez-estandarrak

Udalak KZguneari aipatu berri diren zerbitzu estandarretan sartzen ez den zerbitzuren bat emateko eskatuko balio, zerbitzu horiek honela aratuko dira:

- KZgunea zentroa dagoen espazioa utzi ahal izango da KZguneko hezitzaileen lan orduetatik kanpo, eskabide formal bat aurkezten denean.
- KZgunearena ez den prestakuntza emateko, beharrezkoak diren baliabide teknologikoak egokitu behar badira, KZguneari dagokio egokitzapen hori eskatzea, kudeatzea eta ezartzea, aldaketa horiek aztertu eta bideragarriak direla erabaki eta gero.
- Udalak, beharra izanez gero, zentroa KZgunearen ordutegitik kanpo zabaldu ahal izango du nabigazio-zerbitzuak eskaintzeko. Beasainko Udalak KZguneari zentroa zein ordutegitan irekiko duen jakinaraziko dio, zerbitzu horren publizitate egokia egin dadin.

BOSGARRENA.- EJIE-REN BETEBEHARRAK

EJIEk honako betebeharrak hauek hartzen ditu bere gain:

- Zentroen sarean kokatuta dagoen KZgunea zentroa kudeatzea, KZC@ kudeaketa-zentroan ezarritako irizpide estrategikoei jarraituz. Zentro horiek beharrezko baliabide material eta teknologikoak zein giza baliabideak izango dituzte ezarritako helburuak erdiesteko. Udalerrri ezberdinetako KZguneen funtzionamendua homogenea izango da, eta Zerbitzuen Kartan zehaztutakoak betetzea izango du helburu.
- KZgunea zentroa beharrezkoak diren baliabide teknologiko eta didaktikoei zein giza baliabideekin hornitzea, eta horietatik eratorritako kostuak bere gain hartzea ezarritako helburuak betetzeko. Baliabide hauek dira azpimarragarrienak:
 - o Azpiegitura teknikoak (PCak, komunikazio-lineak...): erostea eta onik mantentzea, bai horiek konpontzea eta ordezkatzeko ere. 1. eranskinean adierazten da instalatutako ekipo- kopurua.
 - o KZC@ programaren helburua teknologiak sustatzea da; horretarako diseinatutako zerbitzuen katalogoa osatzen duten prestakuntza- eta zabalkunde-materialak.
 - o Zerbitzuen katalogoan ageri diren jarduerak egitea.
 - o Zentroaren kudeaketa egiteko beharrezko informazio-sistema (erabilera eta jardueren dagozkien estatistikak etab.).
 - o KZguneko Kudeaketa-Zentroak erabiltzaileei arreta emateko lanak, mantentze-lanak, euskarri teknikoei loturikoak etab. kudeatuko ditu.
 - o Hezitzaileen presentziak bermatuko du KZguneak eskaintzen dituen zerbitzuak behar bezala ematen direla.
- KZgunea proiektuari lotutako langileek ez dute inolako kontratu-konpromisorik ez eta lan-loturarik izango Beasainko Udalarekin. KZgunea zentroko hezitzaileek ez dute inola ere dagokion toki- administrazioarekin lan- harremanik edo harreman profesionalik izango.
- Udalarekin elkarlanean aritzea zentroan egiten diren jardueren berri herritarren artean zabaltzeko, udalerriko ahalik eta pertsona gehienek parte hartzea lortze aldera. EJIEk beharrezko baliabide (materialak, pertsonalak eta ekonomikoak) erabili eta bere gain hartuko ditu, oro har hiru lurralde historikoetan aplikatu beharreko dibulgazio-ekintzetan.
- Zentroaren jarduerak beste erakunde- ekimen batzuekin koordinatzea horien gehieneko sinergia eta errentagarritasuna lortzeko, udalerriko herritarren mesedetan.

- Udalari zentroaren eguneroko funtzionamenduaren eta egindako hobekuntza-ekintzen inguruko informazioa ematea, inbertitutako baliabideen eta lortutako emaitzen arteko oreka mantentze aldera.
- Udal eta gizarte-etxeetan ematen den zerbitzuaren garapenean sortzen diren gorabehera gatazkatsu eta gizalegearen aurkako jokabide oro koordinatzaileari jakinaraztea.
- Lokalak eraikitzeko, altzariz janzteko eta antolatzeke jarraibideak eta irudi korporatiboa ematea.
- Aipatutako zentroa KZgunea zentroen sare orokorrean sartzea, martxan jarriko diren jarduera komunei etekina atera diezaien.

SEIGARRENA. BEASAINKO UDALAREN BETEBEHARRAK

Beasainko Udalak honako betebeharrak hauek hartuko ditu bere gain:

- 1. eranskinean adierazitako lekuan kokatutako lokal bat EJI Eren esku jartzea jabari publikoko emakida bidez eta kosterik gabe, KZgunea programa gara dadin. Lokal horri sarbide-baldintza egokiak eman beharko dizkie Udalak KZgunearen identifikazio eta errotulazio egokia beti bermatuko delarik.. Lokalaren atontzea, altzariei, pinturari, kableei eta abarrei dagokienez.
- Erantzukizun zibila eta lokalen mantentze-lan desegokiek KZgunearen azpiegitura-ekipoari eragindako kalteak bere gain hartzea, ondorioz, beharrezkoak diren aseguruak kontratatzea eta udal-titulartasuneko lokal eta instalazioei dagozkien segurtasun-arau eta neurriak ezartzea.
- Lokala baldintza egokietan mantentzea, garbitasunari, urari, energia elektrikoari eta abarrei dagokienez, eta horietatik eratorritako gastuak bere gain hartzea.
- Udalaren ahalmenen neurrian, 1. eranskinean adierazten den helbidean dagoen KZgunean ematen den zerbitzuaren erabilera ona sustatu eta bultzatzea, betiere EAEko KZguneetako jendearentzako arretako langileekiko jarrera bortitzen aurkako prebentzio- eta jarduera-plana kontuan hartuta..
- Zentroko egunerokoan gerta litezkeen gatazka-egoerak bideratzeko harremanetarako baliabide egokiak ematea.
- Zentroaren eta bertan garatzen diren jardueren berri ematea Udalak helburu horretarako dituen baliabideak erabiliz (Udal Aldizkaria, mailing-ak...), KZgunea programako Komunikazio arduradunarekin koordinatuta.
- Aipatutako hedapen hori egiteko beharrezkoak diren baliabide materialak, pertsonalak zein ekonomikoak bere gain hartzea. Zentroak udalerraren esparruan garatzen dituen jardueren zabalkunde-ekintzetarako soilik erabiliko ditu Beasainko Udalak bide horiek.

ZAZPIGARRENA. KONTROLA ETA SEGIMENDUA

Hitzarmen honen bidez adosten diren zerbitzuen funtzionamendu egokia zaindu beharko dute bi alderdieketa, bi aldeetako edozeinek eskatuta, bilerak egin ahal izango dira egokitze jotzen denean.

Alde bakoitzak esleituko dituen langileak:

- EJI E KZguneko Kudeaketa Zentroari loturiko langileak esleituko ditu.

- Beasainko udalaren aldetik:

o Eusko Jaurlaritzako arduradun instituzionalekin harremanetan egongo den izaera instituzionaleko bitarteko bat.

o Eta izaera teknikoko bitartekariak, KZguneko Kudeaketa Zentroan dauden arduradunekin harremana mantentzen dutenak.

ZORTZIGARRENA. ERREGIMEN EKONOMIKOA

Lankidetza-hitzarmen honek ez du alde sinatzaileen artean betebeharrak ekonomikorik sortzen.

BEDERATZIGARRENA. IRAUPENA ETA ONDORIOAK

Hitzarmenak lau urteko indarraldia izango du, sinatzen den egunetik kontatuta; hala ere, beste lau urteko luzapena izan dezake, betiere ekitaldi horretako Euskal Autonomia Erkidegoko aurrekontu orokorretan kreditu egokia eta nahikoa badago.

HAMARGARRENA.-HITZARMENA AZKENTZEKO ARRAZOIAK

Hitzarmen hau bi alderdiek hala adosten badute edo alderdietako batek bere kabuz erabakitzen badubaliogabetu ahal izango da beste aldeak bere betebeharrak betetzen ez baditu edo egokitzen jotzen duen beste edozein arrazoi gertatzen bada, betiere kontrako alderdiari gutxienez hiru hilabete lehenago jakinarazten badio. Krediturik ez egotearen edo hori murriztearen ondorioz hitzarmena ez luzatzea erabakitzen bada eta arrazoi horregatik azkentzen bada hitzarmena, Euskal Autonomia Erkidegoko Aurrekontu orokorrak argitaratu eta gero egingo da jakinarazpena.

Hitzarmen honetako helburuak erdiesten badira, gertaera hori hitzarmen hau azkentzeko arrazoiak izan daiteke eta, Kalitate Planean ezarrita dagoen EAEko hiru lurraldeetan ahalik eta jende gehienengana heltzeko helburu orokorra ardatz hartuta, ekipoak eta langileak KZgunea proiektuak bere zerbitzuak eman behar dituenbeste udalerrri batera eraman ahal izango dira.

Hitzarmena azkentzeko arrazoiak edozein dela ere, ez da ondare-ondoriorik egongo eta aldeetako bakoitzak proiektuari emandako baliabide eta ondasunen jabetza eta titulartasuna mantenduko du zentroa ixtea adostu ondoren.

HAMAIKAGARRENA.- ERREGIMEN JURIDIKOA

Hitzarmen hau izaera administratibokoa da, Sektore Publikoaren Prozedura Erkidearen urriaren 1eko 40/2015 Legearen 47. artikuluan lankidetza-hitzarmenetarako bereziki xedatutakoarekin bat.

Sektore Publikoko Kontratuei buruzko azaroaren 8ko 9/2017 Legearen 6. artikuluan aurreikusitakoekin bat, hitzarmen hau Lege horren aplikazio-eremutik kanpo dago.

HAMABIGARRENA. ARAZOAK KONPONTZEA

Hitzarmen hau sinatuz, alderdiek hitzarmena betetzean sor daitezkeen gorabeherak elkarren arteko adostasunez konpontzeko konpromisoa hartzen dute.

HAMAHIRUGARRENA.INFORMAZIOAREN BABESA ETA SEGURTASUNA

Hitzarmen hau garatzean Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoak galdatzen dituen segurtasun neurriak hartuko dira, edo hori ordezkatzeko duenean eta/edo hori garatzeko araudi osagarrian ezarritakoak.

HAMALAU GARRENA. ALDAKETAK

Hitzarmen honetan zehaztutako exekuzio- baldintzetan eragina duten inguruabarrak aldatu egiten badira, baldintza horiek aldatu egin ahalko dira bi aldeek sinatutako eranskin baten bidez; horretan idatzitako puntuek jatorrizko testukoak ordezkatzeko dituzte eta jatorrizko hitzarmenera gehituko dira, gainerako klausulei inolako aldaketarik eragin gabe.

Programara bideratutako kredituan edo, efizientzia dela eta, kreditu hori KZguneen artean banatzeko moduan aldaketarik gertatzen bada, lanpostu-kopuruak, hezitzaile-kopuruak eta dedikazioak eta KZgunearen ordutegiak aldaketak jasan ditzakete proiektua indarrean dagoen artean. Alderdi horietako edozein aldatzeak ez du beste hitzarmen bat sinatzea edo hitzarmen hau aldatzea eskatuko. Udalerrian zentro berri bat zabaltzen bada indarrean dagoen hitzarmeneko eranskina aldatu beharko da, gorago adierazi bezala, besterik ez.

1. ERANSKINA

Dokumentu honetan jasota dauden zentroari buruzko datuak, hitzarmen hau sinatzen den unean. UDAL ETA GIZARTE-ETXEAREN KOKAPENA

KZ zentroa Kalea /Zk. P.K. Tel.

Beasain, Oriako Pasealekua, 12, 1. solairuartea 20200 943023622

LANERAKO LEKUAK

Gaur egun zentroak honenbeste lanerako leku dituzte, eta lehentasunez prestakuntza-jarduerak garatzeko erabiliko dira:

KZ zentroa Lanerako leku- kopurua:

Beasain 17"

3.- HERRITARRAK BATZORDEKO PROPOSAMENAK:

a.- 2023. URTERAKO GLLK BANATZEKO UDAL IRIZPIDEAK ONARTZEA. 2023AESO0081

Ezagutzera eman da, Herritarrak batzordeko proposamena, hau da:

“

AURREKARIAK

I. Euskal Sistemaren Diru-sarrerak Bermatzeko eta Gizarteratzeko abenduaren 22ko 14/2022 Legeak, pertsonak baztertzeko arriskua prebenitzea, bazterkeria pertsonal, sozial eta laboreko egoerak arintzea, bizitza duinaren garapena bermatzea eta baliabide pertsonal, laboral, sozial edo ekonomiko nahikorik ez dutenak gizartean erabat sartzea sustatzea du helburu.

Euskal Sistemaren Diru-sarrerak Bermatzeko eta Gizarteratzeko osagaien artean, Gizarte Larrialdietarako Laguntzak (GLL) daude.

II. Eusko Jaurilaritzako Enplegu eta Gizarte Politikarako Departamentuak urtero GLLtako kontzeptu bakoitzeko gehienez eman daitezkeen diru-kopuruak eta Udal bakoitzarentzako aurrekontu-mugak ezartzen du.

III. Abenduaren 22ko 14/2022 Legearen 67-2 artikulua arabera, GLLak aitortzeko eta kontrolatzeko eskumena eskatzailea erroldatuta dagoen eta benetako bizilekua duen udalari dagokio.

IV. Aginduak, 2023ko urtarrilaren 31koa, Jaurlaritzako bigarren lehendakariorde eta Lan eta Enpleguako sailburuarena eta Berdintasun, Justizia eta Gizarte Politiketako sailburuarena, 2023. urtean GLLetan aurreikusitako berariazko gastu bakoitzeko gehienez emango diren diru kopuruak eta Udal bakoitzeko aurrekontu-mugak ezartzen ditu.

2023. urterako, Eusko Jaurlaritzak 145.777 €-ko aurrekontu-muga ezarri du Beasaingo udalerrirako.

V.- 2023ko ekitaldirako Gizarte Larrialdietarako Laguntzetarako Udalaren aurrekontu-partida 158.843 eurokoa da. Eusko Jaurlaritzaren aurtengo esleipena txikiagoa bada ere, asmoa dago 2023. urterako aurrekontu-partidari eustea laguntza horiek emateko.

GLLko eskaeretako kontzeptu guztiak atenditzeko baliteke nahikoa ez izatea. Hori dela eta, laguntza hauek emateko beharrezkoa da udal irizpideak ezartzea.

OINARRI JURIDIKOAK

Aipatutakoak

PROPOSAMENA

Herritarrak Batzordeak Udal Osoko Bilkurari ondorengo erabaki proposamena egiten dio:

Lehenik: 2023. urterako GLLk banatzeko udal irizpideak onartzea.

Bigarren: Hartzen den erabakia GAO n argitaratzea.”

Hitz egiteko txanda eman ondoren, iritzi hauek azaldu dira:

Nerea Manzisidor Mendizabal andreak (Beasaingo EH Bildu): “Gogoratuko duzue guk lehengo urtean aurka bozkatu genuela Udalak ez zuelako Eusko Jaurlaritzak markatutako irizpide berdinak jarraitzen, energia eta alokairu gastuetarako. Aurten badirudi berdintzen direla eta zentzu horretan ados, baina kurioz iruditzen zaigu udalak bere aldetik jartzen duen partida jakinda ez garela iritsiko, izan ere ez dakigu Aldundiak ordaintzerik izango duen. Ados gaude markatzen diren irizpideekin baina egiten dugun irakurketa da gizarte larrialdi laguntzak horiek guk beste irizpide batzuekin banatuko genituzkeela. Horregatik abstenitu egingo gara.

Bestalde, arreta deitu digu energia gastuetan kontuan izan dela iaz egindako gastuak eta ez dakigu GOIEKIn egindako gogoetetan intziditu den. Beharra badago eta iruditzen zaigu gastu hori handitu egingo dela.”

Alkate andreak (EAJ-PNV): “Iaz egia da Eusko Jaurlaritzak markatzen zituen irizpideak baino kopuru txikiagoak onartu genituela, ikusita udal honen azken urteetako joera. Hau da, irizpideak markatzen ziren eta urte amaieran ikusten bazen osatu zitezkeela, nolabait ere GLLengatik jasotzen duguna edo udalak dirua jarri ondoren, oraindik dirua egon ezker, osatu egiten ziren eta bigarren deialdi batean aurretik estali ez ziren gastuak estaltzen ziren. Hori horrela, lehengo urtean genuen partida ia 160 mila eurokoa zen eta ikusi zen azaroak arte egindako minorazioa kontuan hartuta, gutxi gorabehera, 95 mila euro banatuta zeudela. Bigarren ronda bat egin zen eta egindako eskaera guztiak onartu ahal izan genituen, 158 mila euro horiekin. Aurten ere aurreikusten da kopuru horien barruan seguraski denak jaso ahal izango ditugula. Energia gastuen iazko portzentajea altua izan da, Ucraniako gerra tarteko, gastu hori izugarri igo delako. Orain baretze bat espero da baina 1.500 €ko

gehieneko muga hori, Jaurilaritzak markatzen duena, mantenduko dugu. Zentzu horretan GOIEKIren eskutik eta GOIENERen laguntzaz, hasita dago lanketa bat eta udal ezberdinetako gizarte ongizate sailekin egonak daude, GLLren onuradun diren horien fakturak tratatu eta ahalik eta kontratu eta fakturazio hoberena lortzeko. Momentu honetan burokrasia arazoak daude, izan ere GLLren onuradun horiek udalari ematen diote faktura ordainketa egin ahal izateko baina ez faktura hori tratatu ahal izateko. Orain dela gutxi GOIEKI eta GOIENERekin bilera izan genuen eta ea zein formula eman dakiogegun denon artean hori posible egin ahal izateko. Bestalde esan, eskualdeko energia bulego bat martxan jartzeko asmoa dagoela, Beasainen, egindako aurreikuspenen arabera, astean bitan irekita egongo litzateke eta bulego horretara edozein herritar gerturatu ahal izango da, herritarren fakturen optimizazioa lortze aldera.”

Nerea Manzisidor Mendizabal andreak (Beasaingo EH Bildu): “Bale, GLLak kobratzen dituztenen fakturak merketze aldera iango litzateke, baina ez litzateke izango bono soziala beraien gastua estaltzeko.”

Alkate andreak (EAJ-PNV): “GLLren onuradun horien fakturak aztertu, tratatu eta konpainiaz aldatuz edo eskaintza hobeak lortu ditzakete. Gero daude familia ugariak dituzten abantaila batzuk. Fakturak optimizatzea ekarriko luke diru horiek beharra duten beste batzuen alde banatzeko. Lan-lerroa GLLren onuradunak dira baina badaude baita izan da ahaztu RGIaren onuradunak ere badaudela.”

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 11 (EAJ-PNV, Socialistas Vascos-Euskal Sozialistak)

Aurkako botoak: 0

Abstentzioak: 5 (Beasaingo EH Bildu)

Horren ondorioz, gehiengo osoarekin ondorengo irizpideak onartu dira GLLk banatzeko:

“Aginduan, 2023ko urtarrilaren 31koa, Jaurilaritzako bigarren lehendakariorde eta Lan eta Enplegu sailburuarena eta Berdintasun, Justizia eta Gizarte Politiketako sailburuarena, 2023. urtean GLLetan aurreikusitako berariazko gastu bakoitzeko gehienez emango diren diru kopuruak eta Udal bakoitzeko aurrekontu-mugak ezartzen dira.

Udalak ahalmena du Eusko Jaurilaritzak Beasaingo Udalari esleitutako kreditua aurkeztutako eskaeren artean banatzeko (14/2022 Legea, abenduaren 22koa, 67, 2).

Horretarako, udalbatzak 2023-04-04an hartutako erabakiaren bidez, bakoitzak ordaindu beharreko kontzeptuak eta zenbatekoak (gehienekoak) honela finkatu dira, koadroan zerrendatzen den lehentasun-ordenaren arabera.

Kontzeptua/gastua	Eusko Jaurilaritza	Beasaingo Udala
<u>1.- Alogera</u>		
-Etxebizitza osoa	300€ hilean	300€ hilean
-Gela	150€ hilean	150€ hilean
<u>2.-Kredituen interes eta amortizazioa</u>	300€ hilean	300€ hilean
<u>3.- Energia</u>		

-Elkarbizitza unitate 1	125€ hilean	125€ hilean
-Elkarbitiza unitate 2	62,50€ hilean	62,50€ hilean
<u>4.- Ohiko etxebizitzaren erabilera eta mantenimendua</u>		
-Elkarbizitza unitate 1	900€ urtean	900€ urtean
-Elkarbitiza unitate 2	450€ urtean	450€ urtean
		Desglosea: 4.1-Komunitatea: 75€ hilean 4.2-Etxeko aseguruia: 100€ urtean 4.3-OHZ: 200€ urtean
<u>5.- Oinarrizko premiak</u>	2.500€ urtean	2.500€ urtean
		Desglosea: 5.1-Prestakuntza-ikastarotara eta osasun zentroetara garraioa: 60€ hilean 5.2-Betaurrekoak: 250 pertsonen 5.3-Dentista: 600€ pertsonen
<u>6.- Altzariak eta elektrogailuak</u>	1.850€ urtean	1.850€ urtean
		Desglosea: 6.1-Altzariak: 1.000€ urtean 6.2 -Elektrodomestikoak: 850€ urtean -Garbigailua:300€ -Hozkailua: 400€ -Erauzgailua: 100€ -Labea: 250€ -Plaka: 150€ -Mikrouhina: 50€
<u>7.- Etxearen</u>	1.850€ urtean	1.850€ urtean

<u>egokitzapen, konponketa eta instalazioak</u>		
<u>8.- Aurretiaz egindako zorpetzea/</u>		
-Elkarbitza unitate 1	3.000€ urtean	3.000€ urtean
-Elkarbitza unitate 2	1.500€ urtean	1.500€ urtean

1etik 5-1)era zerrendatutako kontzeptuak/gastuak eskaerak aurkeztu ahala ebatziko dira; gainerakoak hiru hilean behin ebatziko dira.

Urtearen amaieran, aurrekontu-partidan kreditua egoten bada, gutxiagotutako kontzeptuetan udalak diru-kopuru bat ordainduko du hainbanaketa formula erabiliz (banaketa proportzionala).

KONTZEPTU/GASTU BAKOITZA APLIKATZEKO ARAUAK

1. Alokairu gastuak

- Hilero gehienez 300€ ordainduko dira etxebizitza osoa alokatzeagatik, eta 150€ alokairua logela batengatik (apopilotza edo azpierrementamendu) edo etxebizitzan maizter bat baino gehiago badago. Zenbateko horiek ezin dira izan, inola ere, alokairu-, baterako errentamendu- edo azpierrementamendu-gastuetarako zenbateko osoaren % 70 baino handiagoak.
- Alokairu babestuko etxebizitzak direnean, edo BO Etxebizitzak, edo Udal titulartasunekoak, ez dira GLLak onartuko alokairu kontzepturako.
- Alogera kontzeptuko pertsona onuradun batek etxebizitza alokatuta baldin badauka eta azpierrementamenduko kontratua egiten badio beste pertsona bati, alokairu prezioetik deskontatuko zaio azpierrementamendutik jasotzen duen kantitatea.

2. Etxebizitza erosteko eskatutako kredituen interes eta amortizazioek eragindako gastuak (hipoteka)

- Kredituak ohiko etxebizitza ordaintzeko izan behar du. Salerosketa-eskriturak eta kredituari dagokion dokumentazioa eskatuko dira.
- Gizarte-larrialdi egoeran egon aurretik etxebizitza edo bizitokia erostearen ondorioz hartutako kredituen interesek eta amortizazioak eragindako gastuak sartzen dira soilik; 300 € gehienez hilero, ezingo delarik kredituaren hileroko interesen edo amortizazioaren zenbatekoaren %70 gainditu.
- BO etxebizitzak baldin badira, GLLak ez dira onartuko kontzeptu honetarako.

3. Energia gastuak

- Energia gastu gisa kontutan hartuko dira: elektrizitatea, gasolioa, egurra, ikatza eta gasa (ur beroa barne).

4.-Etxebizitzaren erabilerako eta mantentzeko gastuak

- Erabilerako eta mantenu gastu gisa kontutan hartuko dira: komunitateko gastuak, etxeko aseguruia eta OHZ.

5.- Oinarrizko premien gastuak

- Ondorengo gastuei emango zaie lehentasuna:

5.1) Prestakuntza-ikastaroetara eta osasun-zentroetara joateko garraio-gastuak.: MUGI txartelaren eta garraio publikoaren gastuak. Gehieneko kopurua 60€ hilean.

Beharrezkoa izango da prestakuntza-ikastaroen ordutegiak, datak, eduki orokorrak eta asistentzia-justifikazioa aurkeztea. . Osasun-zentroetara joanez gero: bertaratzearen justifikazioa.

Zuriketa gisa MUGI txartelaren mugimenduak edo erabilitako garraioaren txartela aurkeztuko dira.

5.2) Betaurrekoak erosteko gastuak.

5.3) Dentistaren gastuak.

Ez dira hortzak ateratzeak eragindako gastuak sartzen, ezta panoramikak eta PADI programatik sartzen diren gastuak ere.

- Betaurrekoak erosteko eta dentistaren gastuetarako laguntzak tramitatzeko bi aurrekontu desberdin aurkeztu beharko dira.

6.- Altzari eta elektrogailuen gastuak

- Laguntza hauek tramitatzeko bi aurrekontu desberdin aurkeztu beharko dira.
- Alokairuan dauden onuradunek altzari eta elektro gailuak erosteko laguntza eska dezakete, beti ere, alogerako kontratuaren arabera erosketa etxearen jabeari ez badagokio.

7.- Etxearen egokitzapen, konponketa eta oinarrizko instalazioen gastuak

- Kontzeptu honengatik Etxebideri eskatutako subentzioaren aldeko ebazpena dagoenean, subentzioaren kopurua gastutik deskontatuko da eta ateratzen den zenbatekoa GLLak eskatzeko gastu gisa kontuan hartzen dena izango da.
- Etxe tresna elektrikoen konponketa: 6. puntuan adierazitako etxe tresna elektrikoen konponketaren gastua soilik sartuko da.

8. Aurretiaz egindako zorpetze-gastuak

- Aipatutako 1etik 7arteko kontzeptuengatik zorpetze gastuak kontuan hartuko dira beti ere , GLL eskaera egin aurretik sortu badira.

ARAU OROKORRAK

1.- Udaletik kanpo ateratzea

Laguntza hauen onuradunek udalerritik kanpo ateratzeko gehienez hilabete bat edukiko dute urtean zehar.

Alde egin baino lehen, Gizarte Ongizate azpisaileko bulegoetara joan beharko dute, absentziaren aldiaren berri emanez.

Udalerrirako itzulera dokumentu berri bat sinatuz berretsiko da.

Adierazitako jarraibideak betetzen ez badira, laguntza eten egingo da absentzia-denbora osoan.

2.- Onuradunen betebeharrak eta konpromezuak

- Laguntza hauen onuradunek eta bere familia unitatea osatzen dutenek, eskaeran adierazitako betebeharrak eta ekintzetarako konpromisoak bete beharko dituzte.

- GLLen onuradunek beren familia-unitatearen beharrak asetzeko erabiliko dituzte beren diru-sarrerak, eta ezin izango dituzte beren baliabide ekonomikoak erabili familia-unitatetik kanpoko pertsonen laguntzeko.

- Atzeritarrek GLLen eskaerarekin batera, nazionalizatuta dagoen herrialdeko ondasunen zinpeko aitortzea aurkeztu beharko dute.

3.- Laguntzak etetea

Laguntzak ondorengo kasuetan etengo dira:

- a) Ez aurkeztea jarraieko bi hitzorduetara justifikaziorik gabe.
- b) GLLen betebeharrak eta/edo eskaeran adierazitako jarduerak egiteko konpromisoren bat betetzen ez betetzea.
- c) Udalerritik kanpo urtean hilabete bat baino gehiago egotea.
- d) Dokumentazio faltsua aurkeztea.

Aipatutako kasuetan, laguntzak gutxienez hilabetez etengo dira, eta ez dira berriz hasiko etetea eragin zuten arrazoiak desagertzen ez diren bitartean, d) idatz-zatian adierazitakoa izan ezik; kasu horretan, laguntza ukatu edo eten egingo da, eta ezingo da berriz eskatu 6 hilabete igaro arte.

a), b) eta c) ataletan adierazitakoa berrerortzeak GLLak gutxienez 3 hilabetez etetea ekarriko du.

4.- Diru-sarrerak

Gizarte Larrialdietarako Laguntzei buruzko urtarrilaren 18ko 4/2011 Dekretuan eta Gizarte Larrialdietarako Laguntzen Programa aldatzen duen urtarrilaren 17ko 16/2017 Dekretuan ezarritakoaz gain, honako hauek hartuko dira diru-sarreratzat:

- a) Etxebizitzaren katastro-balioa, etxebizitza dohaintzan ematen bada; balio hori “diru-sarrera atipikotzat” hartuko da.
- b) Ondasun higiezinaren katastro-balioaren zati proportzionala, titulartasun-ehunekoaren arabera. Ohizko etxebizitza salbuetsita dago.
- c) Ohiko etxebizitza saltzetik datozen diru-sarrerak, baldin eta ohiko beste etxebizitza bat erosteko inbertitzen ez bada. “Diru-sarrera atipikotzat” hartuko dira.
- d) Apopilotatik lortutako diru-sarrerak.

5.- Ibilgailu motordunak

Familia-unitateak ibilgailu motordun bat baino gehiago badu, 6 hilabeteko epea emango da baja emateko izapideak hasteko.

Epe hori igarota, unitate familiarrak ibilgailu bat baino gehiago mantentzen badu, GLLak eten egingo dira.

Egoera bereziak baloratuko dira.

6.- Salbuespena

Salbuespen gisa eta gehienez ere 2 urtetan onartu ahal izango dira GLLak, Etxebideko etxe batean bizi eta beste bat jabetzan duten pertsona/familiei. Kasu hauek Gizarte Ongizate azpisailean baloratuko dira.

7.- Udal zorrak ordaintzeko konpromezua

GLLen eskatzaileak zorrak baditu udal ogasunarekin, ezin izango da GLLetarako eskubidea aitortu, salbu eta udalaren zorra ordaintzeko konpromisoa hartzen badu, dela osorik dela zatika (gutxienez 60 €hilean).

8.- Eskaera epea

Eskaerak aurkezteko epea 2023-12-15arte izango da

9. Gastuen justifikazioak

Diruz lagundutako gastuen fakturak, hilero 20 eta 23 epeko egunetan aurkeztu beharko dira.

Gastuen agiriak aurkezteko epea 2023-12-23arte izango da genierez ere.”

b.- BEASAINGO HERRIAN ETXEBIZITZAK ALOKAIRUAN HARTZEKO DIRULAGUNTZAK EMATEKO OINARRI ARAUTZAILEAK. 2023OIME0007

Ezagutzera eman da, Herritarrak batzordeko proposamena, hau da:

“Gaia: Beasaingo herrian etxebizitzak alokairuan hartzeko dirulaguntzak ematea arautuko duen oinarriak.

Beasaingo udalak 2023.urtean etxebizitzaren alorrean 18-35 urte bitarteko gazteei eta mugikortasun urria dutenei etxebizitza alokatzeko erraztasunak ematea du helburu, beraien testuinguru eta baliabide ekonomikoak kontuan hartuta, horrela etxebizitza eskuratzea

erraztuz eta horren ondorioz, emantzipazioa sustatuz. Oinarri hauek helburu horri erantzuteko asmoa dute.

AURREKARIAK

1. Lehenengo aldiz 2021eko abenduaren 31ko GAO*n* argitaratu ziren 2022rako etxebizitzak alokairuan hartzeko dirulaguntzak ematea arautu zituzten oinarri erregulatzailerak.
2. Merkataritza azpisaileko arduradun teknikoak 2023ko martxoaren 20an egindako txostena.
3. Udalak 2022.urtean 6 laguni eman zien dirulaguntza hau eta 30.285,50 euroko dirulaguntza eman zuen kontzeptu honetarako.

LEGERI APLIKAGARRIA

-2/2016 Legea, apirilaren 7koa Euskadiko Toki Erakundeei buruzkoa, 17.artikulua, 34.

-Azaroaren 17ko 38/2003 Lege Orokorra, subentzioak emateari buruzkoa.

-Uztailaren 21eko 887/2006 Errege Dekretuak onartutako dirulaguntzen Erregelamendu Orokorra.

-Dirulaguntzak arautzen dituen udal-araua.

-2023-2025erako Beasaingo Udalaren Dirulaguntzen Plan Estrategikoa.

PROPOSAMENA:

Beasaingo Udalak 18-35 urte bitarteko gazteei eta mugikortasun urria duten pertsonen dirulaguntza eman nahi die baldintza batzuek betetzen dituen etxebizitza alokatzeko, beraien baliabide ekonomikoak kontuan hartuta. Hori dela eta, Herritarrak batzordeak Udal Osoko Bilkurari ondorengo proposamena egiten dio:

Lehenik: Beasaingo Udalak 18-35 urte bitarteko gazteei eta mugimendu urria duten pertsonen etxebizitza alokatzeko dirulaguntza ematea.

Bigarrena: Dirulaguntzak hauek izango dira:

-Pertsona bakarraren kasuan

Diru sarrera gordinak eurotan	Alokairu gastuaren %	Gehieneko dirulaguntza
26.000 eta 28.000 euro bitartean	%20	100 euro
24.000 eta 25.999 euro bitartean	%30	150 euro
22.000 eta 23.999 euro	%40	200 euro

<i>bitartean</i>		
<i>21.999 euro arte</i>	<i>%50</i>	<i>250 euro</i>

-Bizikidetzta-unitatea pertsona batek baino gehiagok osatzen badute

<i>Diru sarrera gordinak eurotan</i>	<i>Alokairu gastuaren %</i>	<i>Gehieneko dirulaguntza</i>
<i>33.000 eta 39.000 euro bitartean</i>	<i>%20</i>	<i>100 euro</i>
<i>30.000 eta 32.9000 euro bitartean</i>	<i>%30</i>	<i>150 euro</i>
<i>26.000 eta 29.900 euro bitartean</i>	<i>%40</i>	<i>200 euro</i>
<i>25.900 euro arte</i>	<i>%50</i>	<i>250 euro</i>

Gehieneko diru laguntza hilean 250 eurokoa eta 12 hilabetekoa izango da."

Hitz egiteko txanda eman ondoren, iritzi hauek azaldu dira:

Eva Alvarez Atanes andreak (Socislistas Vascos-Euskal Sozialistak): "En la comisión cuando se trató el tema ya hablamos de ello. Estamos de acuerdo con EH Bildu sobre ampliar estas ayudas a otras personas. Creemos que estas ayudas son positivas y ya el año pasado cuando se presentaron las valoramos favorablemente. Pero tal y como se regula en otros municipios se podrían hacer valer para mejorar el acceso al mercado de viviendas vacías dirigidas a personas monoparentales o personas mayores de 65 años en situación de viudedad que tienen dificultades para acceder a la vivienda. Existen diferentes ayudas para la vivienda, no sólo municipales, también del Gobierno Vasco y Central y nosotros podríamos añadir un granito de arena. Por lo tanto, el ampliar el colectivo de beneficiarios sería positivo."

Nerea Manzisidor Mendizabal andreak (Beasaingo EH Bildu): "Lehengo urtean eta oraingo ere bai batzordean proposatu genuen. Oker ez bagaude lehengo urtean lau edo sei eskaera izan ziren. Dugun biztanle kopurua kontuan izanda, gutxi. Batzordean esan zen aztertuko zela laguntza hauen onuradun-kolektiboak handitzea baina berriro lehengo urteko baldintzak berdinetan ematea proposatzen da. Pena ematen digu denbora ez hartzea aztertzeke benetan zein kolektiboek mesede egin dezaketen."

Alokairuaren inguruan beti aipatu dugu laguntza hauek lotuta joan beharko liratekeela etxehutsen jabekideekin egindako lanketarekin, zeren eta Beasainen ez dago etxebizitza-alokairu parkerik. Oinarri hauek beste lanketa batekin ez badoaz, laguntzak ezean geratzen dira. Laguntzak direnetik ondo baina hutsune asko dituzte.”

Alkate andreak (EAJ-PNV): “Aukerak, noski, ezberdinak izan daitezke. Diru laguntza hauek martxan jartzeko ez da besterik gabe hartutako erabaki bat, baizik eta azterketa baten ondorioz egindakoa. ETXEBIDEen alokairurako eskatzen dituztenak ia erdiak gazteak dira (18-35 bitartekoak). Zentzu horretan ere Eusko Jaurlaritzak alokatzeko diru laguntzak ematen dituenean gazte kolektibo horientzat eskaintzen ditu, denon erronka delako emantzipazioan laguntzea eta emantzipazio adin hori, jaistea. Eusko Jaurlaritzak esfortzu berri bat egin du emantzipazio adin horiek jaisteko. Esaten duzue, beste kolektibo batzuk egon daitezke. Noski, baina kolektibo horiek ere beste diru laguntza mota batzuk izan dezakete. Oraintxe bertan esan dugu GLLak jasotzen dituztenek, etxebizitzaren alokairurako ere hilabetero dirulaguntzak batzuk jaso ditzakete. Bestalde, badaude etxebizitza gastuetarako pentsio osagarriak ere badaude. Alokatu nahi duten guztiak ez ditugu sartuko etxebizitza dirulaguntza hauen lerroan, baina kolektibo nagusia sartzen dugu, kontuan hartuta gizarte bezala ditugun erronkak.

Denon artan egin behar dugu eta saiakerak egin behar dira etxebizitza horiek funtzio sozial bat betetzeko. Laguntza guztiak ongi-etorriak dira. Beharbada ez da nahikoa izango, baina guk ematen ditugun hobari horietatik ere ia 70 etxebizitza-jabeek onurak jasotzen dituzte (ETXEBIDE programa) beraien etxebizitzak alokatzeagatik.

Beraz, oinarriak lanketa baten ondorio dira. Beste batzuetan egiten den bezala, gure antzekoak izan daitezkeen herriak ere aztertu ditugu eta denetan, ñabardura ezberdinak izan daitezke, gazteen kolektiboa jo mugan jartzen da kolektibo hori delako eskatzaile nagusia.”

Nerea Manzisidor Mendizabal andreak (Beasaingo EH Bildu): “Beti aipatzen da Eusko Jaurlaritzak emantzipaziorako ematen dituzten laguntzen osagarriak direla. Gazteen emantzipazioa helburua izanda, ez genituzke bultzatu behar Errekarteko etxebizitza tasatuak eta babes ofizialekoak egitea. Orain Fleming eremuan beste etxebizitza mota bat sustatu behar duzue. Zein erraz erabiltzen ditugun hitzak eta praktikan zein gutxi egiten den!. Hau laguntza sinbolikoa izan daiteke baina beste kolektiboek zein laguntza ematen diegu?.”

Alkate andreak (EAJ-PNV): “GLLak daude baldintza horiek betetzen dituztenentzat. Etxebizitzaren pentsio osagarriak ere badaude. Denak ez dira jasota egongo, baina multzokatuta portzentaje handiena jasota dago. Esan duzu ezer ez dugula egiten eta aukerak galtzen ditugula.. ETXEBIDEen inskribatuta daudenen kopurua handia izan daiteke, baina zuk ere jakingo duzu Errekarteko 23 babes ofizialeko etxebizitzetarako, 31 pertsonak bakarrik izena eman dutela.

Nerea Manzisidor Mendizabal andreak (Beasaingo EH Bildu): “Baina, zergatik bota dira atzera?.”

Alkate andreak (EAJ-PNV): “Batzuk izango dituzte zailtasun ekonomikoak etxebizitza horietara iristeko.”

Nerea Manzisidor Mendizabal andreak (Beasaingo EH Bildu): “Noski, “%99ak zailtasun ekonomikoa. Banketxetara joan eta finantzaziorik ez dutelako, atzera bota.”

Alkate andreak (EAJ-PNV): “Zuk datuak dituzu esateko hori horrela dela?.”

Nerea Manzisidor Mendizabal andreak (Beasaingo EH Bildu): “Tokatu zaien askoena, bai.”

Alkate andreak (EAJ-PNV): “Horrela beharko luke baina ez da beti hori gertatzen. Dena dela ez dut uzte hori hemen eztabaidatzeko tokia denik, etxebizitzaren kontua oso zabala delako.”

Nerea Manzisidor Mendizabal andreak (Beasaingo EH Bildu): “Ez. Ez da baina izan da aipatu duzulako emantzipazioa lortzeko beste bide batzuk jorratu behar direla.”

Gaia behar adina eztabaidatu ondoren, bozketa egin da eta ondorengo emaitza lortu da:

Aldeko botoak: 9 (EAJ-PNV)

Aurkako botoak: 0

Abstentzioak: 7 (Beasaingo EH Bildu, Socialistas Vascos-Euskal Sozialistak)

Horren ondorioz, gehiengo osoarekin onartu dira ondorengo oinarriak:

BEASAINGO HERRIAN ETXEBIZITZAK ALOKAIKURUA HARTZEKO DIRULAGUNTZAK
EMATEA ARAUTUKO DITUZTEN OINARRIAK. 2023 URTEA

ZIOEN AZALPENA

Beasaingo Udalak, etxebizitzaren alorrean, gazteei eta mugikortasun urria dutenei etxebizitza alokatzeko erraztasunak ematea du helburu, beraien alokairuaren kostua eta errentarien baliabide ekonomikoak kontuan hartuz.

1.XEDEA

Laguntza hauen xedea eskaera egiten duten errentarien ohiko bizilekua den etxebizitzaren alokairuaren zati bat ordaintzen laguntzea da, horretara bideratuak dauden gainerako laguntzetarako dirulaguntzarik jasotzen ez badute (Bizigune, Gaztelagun, Etxebizitzetarako Prestazio Osagarria edo alokairu kontzeptuan Gizarte Larrialdietarako Laguntza).

Laguntza hauek 2023-2025 urteetarako onartutako Dirulaguntzen Plan Estrategikoan daude aurreikusita, zehazki 1.helburu estrategikoan: Gizarte-ekintza sustatzea eta 1.7.erroan: 18-35 urte bitarteko gazteentzat eta mugikortasun urriko personentzat etxebizitza hutsen alokairua sustatzea.

Laguntza hauen bidez gazteen emantzipazio bidean lagundu nahi da, mugikortasun urriko pertsonen oinarri arkitektonikorik gabeko etxebizitzak izatea sustatu nahi da eta etxebizitza hutsen merkaturako sarbidea sustatu.

Egiaztatu da aurreko ekitaldian egindako deialdiarekin deialdiarekin aurretik aipatutako helburu bat lortzen lagundu dela, 18-35 urte bitarteko gazte batzuk eskatu zuten dirulaguntza hau eta helburuari laguntzeko modua da dirulaguntza hau eskatzen dutenek udalerriko alokairuko etxebizitza honetan bizitzeko baldintza bete behar dutela nahitaez eta horrela beraien emantzipazioa bermatzen dela. Baina mugikortasun urria dutenen dirulaguntza eskaerarik ez zenez izan, ezin da esan zein modutan lortu den helburua betetzea.

2.FINANTZIAZIOA

Deialdi honetako helburu diren dirulaguntzak finantzatzeko Udalak 22.000,00 euroko kreditua aurreikusita du, horretarako sortutako aurrekontu honetan: 0260.480.337.20.01 alokairurako dirulaguntzak.

Baimendutako gastuaren zenbatekoa (22.000,00 €) handitu ahal izango da aldaketaren zenbatekoa dela eta eskumena esleitura duen organoaren aldetik baina beti ere aurkeztutako eskabideak ebatzi aurretik. Horrek ez du beste deialdirik ekarriko.

3.ONURADUNAK

Behean azaltzen diren modalitateetan sartzen diren pertsona edo bizikidetza unitateek eta 4. Artikuluan jasotako baldintzak betetzen dituztenek eskatu ahalko dute dirulaguntza.

."A modalitatea": 18 eta 35 urte bitarteko adina duten gazteak; adin hori izan behar dute eskabideak aurkezteko epea bukatzen denean.

."B modalitatea": Mugikortasun urriko pertsonak. Gipuzkoako Foru Aldundiko Gizarte Politikako Sailak egindako txostenean 7tik 15 puntura edo A,B,C letrak dituztenak.

Dirulaguntzaren eskatzailea Aldundiaren txosten teknikoaren zain badago, eskaera onartu egingo da, baldin eta txosten hori dirulaguntza emateko epea amaitu baino lehen aurkezten badute.

4.ONURADUNEN BETEBEHARRAK

Laguntzen eskatzaileek alokairurako eskatzen den alokairuko etxebizitza librean erroladatuta egon beharko dute. Hala ere, laguntzak jasotzeko, Beasainen urtebetez etenik gabe erroladatuta egon dela egiaztatuko da, eskabideak aurkezteko epea amaitzen den egunean.

Eskabidea interesdunak egin dezake, edo bizikidetza-unitateen kasuan, hura osatzen duen edozein pertsonak.

Bizikidetza-unitatea da etxebizitza edo bizileku berean bizi diren bi pertsonak edo gehiagok osatzen dutena. Pertsona horiek elkarrekin lotzen dira ezkontzaz edo harreman iraunkorrez, bigarren mailarainoko odol-ahaidetasunez edo bigarren mailarainoko odol-ahaidetasunez edo familia-harrera iraunkorrez edo adopzio aurreko edo tutoretzapeko familia-harreraz.

Eskatzaileek alokairu kontratua izan behar dute.

Errentaren ordainketa banku-transferentzia edo kreditu entitatearen bidezko ordainketa aginduaren bidez egin behar da.

Eskatzaileek, bizikidetza unitateko kideek barne, ezingo dute jabetzan etxebizitzarik izan. Horretarako, ez dira kontuan hartuko indibisoko titularren kasuak.

Dirulaguntza eskatu ahal izango dute indibisoko etxebizitza baten titularkide badira (herentzia, donazioa...).

Bizikidetza-unitatearen edo eskatzaileen diru-sarreraren muga oinarrien 9. apartatuan zehaztutako kopurua baino txikiagoa izatea.

Eskatzaileek, bizikidetza unitateko kideek barne, udal ogasunean zorrik ez izatea eta Gizarte Segurantzarekiko eta Foru Ogasunarekiko betebeharrak egunean izatea.

Eusko Jaurlaritzak "Gaztelagun programaren" bidez laguntza jaso dutenen eskaerak ez dira izapidetuko.

5.ETXEBIZITZEK BETE BEHARREKO BALDINTZAK

1. Diruz lagunduko den etxebizitza Beasaingo udalerrian egon beharko du eta izaera librekoa izan behar du.

2. Etxebizitzak, OHZn horrela kalifikatuta egoteaz gain, hurrengo gela eta zerbitzuak izango ditu.

"A" modalitatean:

a) Sukaldea, elikatze-iturri elektriko edo gasezkoa duena, eta behar bezala hornitua.

b) Dutxa edo bainu ontzia duen bainugela.

c) Erabiltzeko egoeran dagoen 220 volteko instalazio elektrikoa, dagokion buletinarekin edo/eta gas hornidura.

d) Iturriko ura izatea.

e) Bizikidetza unitateko bi pertsonako (gehienez) logela bat izatea.

“B” modalitatea:

“A modalitatean” a), c),d) eta e) apartaduetan izendatutakoez gain

a) Komun egokitua izan behar du

b) Arkitektura-oztoporik gabeko eta irisgarritasun-araudira egokitutako eraikina izatea.

6. BAZTERTZEAK

1. Babes publikoko etxebizitzak, araubide bereziko babes ofizialeko etxebizitzak (sozialak), orokorrak eta tasatuak (autonomikoak).

2. Bizigune programari atxikita dauden alokairuan dauden etxebizitzak.

3. Urteko deialdian zehaztuko den gehieneko alokairu-gastua gainditzen duten etxebizitzak.

4. Urtebetekoa baino iraupen txikiagoa duten alokairu-kontratuak.

5. Logelen alokairuak

6. Berralokairuak

7. Etxebizitza gisa erabilitako lokalak, garajeak, higiezin edota beste leku batzuk.

7. DIRULAGUNTZA EMATEKO PROZEDURA

Dirulaguntzak 4. artikuluan ezarritako baldintzak betetzen dituzten eskatzaileei emango zaizkie.

Dirulaguntzaren ordainketa lau zatitan zatikatuta egingo da:

-Lehenengo ordainketa deialdiaren ebazpena egin ondoren izango da.

-Hurrengo ordainketei dagokienez, hiru hilabetetik behin egingo dira, aldi horiei dagokien alokairuaren ordainketa egiaztatzen den guztietan.

Inongo kasuan ez da onartuko alokairuaren ordainketaren agiria 2023-12-15 baino geroago aurkeztea.

Kultura, euskara eta merkataritza azpisailari dagokio aurreikusten diren laguntzak kudeatzea. Saileko teknikariak arduratuko dira aurkeztutako eskabideak aztertzeaz eta ebaluatzeaz.

Alkatearen ebazpenaren bidez eman edo ukatuko dira laguntzak eta eskatzaileari horren berri jakinaraziko zaio, eskaerak aurkezteko epea amaitzen denetik hilabeteko epean.

Ordainketa, Alkateak diru laguntzaren ebazpena ematen duenetik hilabeteko epean egingo da.

8. DIRULAGUNTZEN BATERAGARRITASUNA

Oinarri hauen arabera emandako laguntzak ez dira bateragarriak izango helburu bererekoa emandako beste laguntza batzuekin.

9. ESKATZAILEAREN DIRU-SARRERAK, ALOKAIUAREN GEHIENEO GASTUAK ETA DIRULAGUNTZEN ZENBATEKOA ETA KALKULUA

- Diru-sarrerei dagozkien gehieneko mugak hauek izango dira:

-28.000 euro gordin urtean, bizikidetza-unitatea pertsona bakar batez osatua baldin badago.

-39.000 euro gordin urtean, bizikidetza-unitatea bi pertsona edo gehiagoz osatuta baldin badago.

Norbere kontura lan egiten dutenei gutxienez 22.000 euroko diru-sarrerak dituztela kontabilizatuko zaie.

- Alokairu-gastuei dagokienez gehieneko kopurua: hilean 750 euro ezingo da inolaz ere gainditu.
- Dirulaguntzen zenbatekoa kalkulatzeko era:

Alokairu partekatua denean, onuradun bakoitzari emateko laguntzak kalkulatzeko, etxebizitza osoaren hileko errenta zatituko da kontratuko titularren kopuruaren artean.

- Dirulaguntzen zenbatekoak hauek izango dira:

-Pertsona bakarraren kasuan:

Diru sarrera gordinak eurotan

1. 26.000 eta 28.000 euro bitartean

Alokairu gastuaren %20

Gehieneko diru laguntza: 100€

2. 24.000 eta 25.999 euro bitartean

Alokairu gastuaren %30

Gehieneko dirulaguntza :150€

3. 22.000 eta 23.999 euro bitartean

Alokairu gastuaren %40

Gehieneko dirulaguntza: 200€

4. 21.999 euro arte

Alokairu gastuaren %50

Gehieneko dirulaguntza: 250€

-Bizikidetza-unitatea pertsona batek baino gehiagok osatzen badute:

Diru sarrera gordinak eurotan

1. 33.000 eta 39.000 euro bitartean

Alokairu gastuaren %20

Gehieneko dirulaguntza: 100€

2. 30.000 eta 32.999 € bitartean

Alokairu gastuaren %30

Gehieneko dirulaguntza: 150€

3. 26.000 eta 29.999€ bitartean

Alokairu gastuaren %40

Gehieneko dirulaguntza: 200€

4. 25.999€ arte

Alokairu gastuaren %50

Gehieneko dirulaguntza: 250€

Dirulaguntza gehienez hilean 250€ eskaera bakoitzeko izango da eta gehienez 12 hilabeteko epealdi baterako.

10. AURKEZTU BEHARREKO AGIRIAK

Aurkeztu beharreko dokumentazioa hau izango da:

1. Eskaera orri ofiziala, behar bezala beteta eta sinatuta.
 2. Zinpeko aitortpena
 3. Etxebizitzaren alokairu-kontratuaren kopia, indarrean dagoena.
 4. Alokairu kontraturaren hileroko ordainketaren agiriak.
 5. Euskal Autonomia Erkidegoko hiri-finken erregistroan errentamendu-kontratuen fidantza jarri izanaren egiaztagiria.
 6. Estatu osoan etxebizitza baten jabe ez izatearen ziurtagiria, Jabetza Erregistroak emana, laguntzaren eskatzaileei dagokienez.
 7. Etxebizitza baten titularkide izanez gero, Jabetza-erregistroaren kopia soilak aurkeztu beharko da.
 8. Pertsona Fisikoen Errentaren gaineko Zergaren aitortpena, 2022ko jarduera ekonomikoari dagokiona.
 9. PFEZaren aitortpena egitera behartua ez dagoenak honako hauek eman beharko ditu:
 - Dagokion ekitaldian PFEZ aitortpena aurkezteko derrigortasunik ez izatea egiaztatzen duen ziurtagiria, Foru Ogasunak emana.
 - Besteren konturako langileak badira:
- 10T ziurtagiria (PFZEren atxikipenen ziurtagiri ofiziala).

-Pentsiodunak edo bekadunak, prestazioak edo subsidioak jasotzen dituztenak badira (Zerbitzu Sozialetako laguntzak barne): ekitaldi honetako laguntza horien ziurtagiria.

-Langabezian egonik prestazioa jasotzen ez duenak Lanbidek igorritako inskripzio-aldien txostena izeneko ziurtagiria.

10. Beste diru sarrera batzuk (zenbatekoa adieraziko da) izanez gero eta/edo beste erakundeetan diru laguntza eskatuz gero, hori adierazten duen zinpeko aitortpena.

11. Oinarri hauen 5.eta 6. Artikuluetan zehaztutako baldintzak betetzen dituela zinez aitortu beharko dute eskatzaileek.

12 .Dirulaguntza emateko betebeharrak kontuan izanik, baliagarria izan daitekeen beste edozein agiri.

Eskatzaileak berariazko baimena eman diezaieke Beasaingo udaleko udala zerbitzuei, eskumena duten erakundeek laguntzen onuradun izateko bete behar diren baldintza guztiak betetzeko datuak bildu ditzaten, Datu Pertsonalak eta Eskubide Digitalak Bermatzeko abenduaren 5eko 3/2018 Lege Organikoko 6.artikuluaren ezarritakoa betez. Erroldako datuak Udalak jasoko ditu zuzenean.

Udalak udalerriko biztanleen errolda kontsultatuko du eskatzen diren eta bete behar diren datuak betetzen direla ziurtatzeko.

Baimena eman ezean, dokumentazio guztia aurkeztu beharko dute eskariarekin batera.

11.DOKUMENTAZIO ELKARRERAGILEA ETA EGIAZTAGARRIA.

1. Urriaren 1eko 39/2015 Legeak, Administrazio Publikoen Administrazio Prozedura Erkidearenak, 28. artikuluan aitortzen du herritarrek eskubidea dutela dagoeneko administrazio jardulearen esku dauden edo beste edozein administrazio egin dituen dokumentuak ez aurkezteko; horrela, administrazio jarduleak dokumentu horiek kontsultatu edo eskatu ahal izango ditu, salbu eta interesdunak horren aurka egiten badu. Administrazio publikoek elektronikoki bildu behar dituzte dokumentuak, beren sare korporatiboen bidez edo datuen bitartekaritza-plataformei edo horretarako gaitutako beste sistema batzuei kontsulta eginez.

2. Beasaingo Udala Euskadi Nisae-ko administrazioen elkarreragingarritasun- eta segurtasun-korapiloaren parte da. Plataforma hori komuna da euskal sektore publikoko administrazio eta erakunde guztientzat, eta datu elektronikoen trukea haien artean eta gainerako administrazioekin ezartzeko nodo autonomiko gisa. Horrez gain, Beasaingo Udalak foru sare korporatiboko aplikazioak edo dokumentuak egiaztatze eta lortzeko aukera ematen duten beste sistema batzuk erabiliko ditu.

3. Deialdi honetan, plataforma korporatiboen, bitartekaritza-plataformen (Nisae) edo sarbide publikoko plataformen bidez egiaztatuko diren betekizunak honako hauek izango dira:

a) Gizarte Segurantzarekiko betebeharrak egunean izatea.

b) Egunean izatea zerga-betebeharrak, Gipuzkoako Foru Aldundiko Ogasun Departamentuarekin egiaztatuko direnak.

4. Erakunde eskatzailea egiaztapen horren aurka badago, berak aurkeztu beharko du dokumentazioa.

12. OINARRIAK ARGITARATZEKO ETA ESKABIDEAK AURKEZTEKO EPEA

Oinarriak BDNSra bidaliko dira eta ondoren GAOn argitaratuko dira.

Eskabideak aurkezteko epea eta modua:

-Noiz: Eskabideak oinarriak GAO n argitaratzen diren hurrengo egunetik 2023-09-30 arte.

-Moduak:

- Dirulaguntza eskatzen dutenek eskaera orria eta aurkeztu beharreko agiriak iGunean aurrez aurre aurkeztuta, aurretiko txanda eskatuta. Eskaera orria Beasaingo Udalaren web orritik jaitsi eta inprima daiteke.
- Udalaren erregistro elektronikoaren bidez aurkeztuta.

13. DIRULAGUNTZEN BALDINTZAK EZ BETETZEA

Kontratuaren errentamendua urtea igaro baino lehen suntsiarazten bada, suntsiarazpen-egunera arte ordaindutakoa itzultzeko eskatuko da.

14. DATUEN BABESA

Eskatzaileen datuen tratamendua abenduaren 5eko 3/2018 Lege Organikoaren arabera izango da.

15. APLIKATUKO DEN ARAUDIA

Deialdi honetan aurreikusten ez den orotarako 39/2015 Legea, urriaren 1ekoa, Administrazio Publikoen Administrazio Prozedura Erkidearena aplikatuko da.

16. HELEGITEAK

Honako oinarri hauen aurka berraztertzeke errekurtsua aurkeztu daiteke, hilabeteko epean, deialdia onartu duen organo eskudunaren aurrean; bestela, zuzenean kontra egin daiteke bi hilabeteren buruan Administrazioarekiko Auzi Epaitegiaren aurrean.

Aipatu epeak oinarri hauek argitaratu eta hurrengo egunetik hasiko dira zenba tzen bi kasuetan.”

c.- EUSKALTEGIETAN EUSKARA IKASTEN ARI DIREN HERRITARREI DIRULAGUNTZAK EMATEKO OINARRIAK ARAUTZAILEAK. 2023OIEU0002

Ezagutzera eman da, Herritarrak batzordeko proposamena, hau da:

“AURREKARIAK:

2/2016 LEGEAn, apirilaren 7koan, Euskadiko Toki Erakundeei buruzkoan, 7.2 artikuluan udalei izendatzen zaie, eskumen propio gisa, hartatik eratortzen diren ahalmen eta funtzioekin, beren lurralde-eremuan euskararen ezagutza sustatzeko eta erabilera dinamizatzeko eskumena.

Helburu hori betetzen laguntzeko, euskara ikasten duten pertsonen ikasketa horien gastuei aurre egiten laguntzeko oinarri hauek prestatu dira honako hauek kontuan hartuta:

- *Dirulaguntzei buruzko 38/2003 Lege Orokorra eta hura gatzeko erregelamendua, 887/2006 Errege Dekretuaren bidez onartua.*
- *Dirulaguntzak arautzen dituen Udal Ordenantza (GAO, 2018/06/14)*
- *Beasaingo Udalaren 2023-2025erako dirulaguntzan plan estrategikoa (3. Helburuaren barruan 3.1. ildoak: euskararen ikaskuntza bultzatzea).*

- *Egiaztatu da aurreko ekitaldian egindako deialdiarekin aurretik aipatutako helburua lortzen lagundu dela eta udalerriko biztanleek beren euskara maila hobetu dutela.*

Une honetan, 2023-2024 ikasturterako oinarriak onartu behar dira. Eta ondorioz, deialdi hau aldeztu aurretik egingo da, 2024ko ekitaldian ebatziko baita. Beraz, oinarri hauen xede diren dirulaguntzak emateko, kreditu egokia eta nahikoa egon beharko da dirulaguntza emateko ebazpena ematen den unean.

PROPOSAMENA:

Herritarrak batzordeak Udal Osoko Bilkurari ondorengo proposamena egiten dio:

Lehenik: 2023-2024 ikasturtean euskaltegietan euskara ikasten ari diren herritarrei dirulaguntzak emateko oinarriak onartzea.”

Hitz egiteko txanda eman ondoren, bildutakoek proposamenarekiko iritzia hauek azaldu dituzte:

Nerea Manzisidor Mendizabal andreak (Beasaingo EH bildu): “Guk hemen ezezkia bozkatuko dugu. Aurrekontuak lantzeko garaian adostasun batera iritsi ginen doakotasuna bermatzeko eta esan zitzaigun Jaurilaritzak diru laguntza atera behar zituela eta atera bitarte itxaroteko jakin ahal izateko zein baldintzetan ateratzen ziren. Laguntza horiek ez ziren atera eta ez dakigu zertan geratu den. Doakotasun horren inguruan esan da ez diola euskarari prestigioa ematen eta irakasleei ordaindu egin behar zaiela...Diru laguntza hauek emateko ez da azterketa sakona egin eta aldaketarik ez dagoen bitartean, ez ditugu onartuko.”

Alkate andreak (EAJ-PNV): “Hitz egin genuenetik Eusko Jaurilaritzak atera zuen bere dirulaguntzak: C1 arte eta 16-35 urte tarteko ikasleek gaituzten badute doakoa da euskara ikastea. Guk gurean jarraitzen dugu eta batzordean komentatu bezala, Euskaltegia ia %94ean fondo publikoekin finantzatuta dago: HABEK eta udalak jartzen duena. Ikasleengandik %6a jasotzen dugu eta %6 horretan dirulaguntzak ematen ditugu. Pentsatu nahi dut badakizuela tasa zenbat kostatzen den. Ia ezer ez. Kontuan hartu behar da udal honek eta baita ere HABEK egiten duen esfortzua eta horri esker ateratzen den tasa kopurua. Euskarari duintasun bat eman nahi badiogu doakotasunarekin ez dugu lortuko. Horrelako praktikak badaude: Ikasturtea hasi eta ikasturte erdian utzi. Doakoa denean askotan ez da baloratzen, baina irakasleei ordaintzen jarraitu behar da. Beraz, kontuan hartuta gure Euskaltegiak %95eko finantzazio publikoa jasotzen duela eta hala ere egoera berezian dauden ikasleei (langabetu eta egoera ekonomiko gutxi dutenak), ia %100 eta %90eko dirulaguntza lortzen dutela eta beste ikasleek %50eko dirulaguntza lortzeko aukera dutela, uste dut egiten den esfortzuak erantzuten diola lortu nahi dugun helburuari.”

Nerea Manzisidor Mendizabal andreak (Beasaingo EH bildu): “Teknikariak aipatu zuen langabetuek zein dirulaguntza jasotzen zuten eta asistentziak ez zuela eraginik izaten. Ez dut uste gure hizkuntza dagoen egoeran prestigioaz hitz egin behar dugunik .”

Bozketa egin da eta ondorengo emaitza lortu da:

Aldeko botoak: 11 (EAJ-PNV, Socialistas Vascos-Euskal Sozialistak)

Aurkako botoak: 5 (Beasaingo EH Bildu)

Abstentzioak: 0

Horren ondorioz, gehiengo osoarekin ondorengo oinarriak onartu dira:

“EUSKALTEGIETAN EUSKARA IKASTEN ARI DIREN HERRITARREI DIRULAGUNTZAK EMATEKO PROZEDURA ARAUTZEN DUTEN OINARRIAK 2023-2024 IKASTURTERAKO

ZIOEN AZALPENA

2/2016 LEGEAn, apirilaren 7koan, Euskadiko Toki Erakundeei buruzkoan, 7.2 artikuluan udalei izendatzen zaie, eskumen propio gisa, hartatik eratortzen diren ahalmen eta funtzioekin, beren lurralde-eremuan euskararen ezagutza sustatzeko eta erabilera dinamizatzeko eskumena.

Helburu hori betetzen laguntzeko, euskara ikasten duten pertsonen ikasketa horien gastuei aurrei egiten laguntzeko oinarri hauek prestatu dira honako hauek kontuan hartuta:

- Dirulaguntzei buruzko 38/2003 Lege Orokorra eta hura gatzeko erregelamendua, 887/2006 Errege Dekretuaren bidez onartua.
- Dirulaguntzak arautzen dituen Udal Ordenantza (GAO, 2018/06/14)
- Beasaingo Udalaren 2023-2025erako dirulaguntzan plan estrategikoa (3. Helburuaren barruan: euskararen ikaskuntza eta erabilera bultzatzea eta normalizatzea. 3.1. ildoak: euskararen ikaskuntza bultzatzea).
- Egiaztatu da aurreko ekitaldian egindako deialdiarekin aurretik aipatutako helburua lortzen lagundu dela eta udalerriko biztanleek beren euskara maila hobetu dutela.

1.- XEDEA

2023-2024 ikasturtean euskara ikasten diharduten herritarrei dirulaguntzak emateko baldintzak arautzea da oinarri hauen xedea. HABEk homologatutako euskaltegiek eta zentroek emandako euskalduntzeko ikastaroak lagundu ahal izango dira, eta horretarako HABEk ikasturtero ezartzen dituen irizpideak jarraituko dira.

2.- FINANTZIAZIOA

Deialdi hau aldeztu aurretik egingo da, 2024ko ekitaldian ebatziko baita. Beraz, oinarri hauen xede diren dirulaguntzak emateko, kreditu egokia eta nahikoa egon beharko da dirulaguntza emateko ebazpena ematen den unean.

Deialdi honetako dirulaguntzak ordaintzeko Udalak kreditua izango du aurreikusita helburu horretarako sortutako kontu-sailetan:

0230.480.335.30.01 (2024) - 15.000,0 €

0231.480.335.10.01 (2024) - 7.000,00 €

0231.480.335.10.02 (2023) - 6.000,00 €

Baimendutako gastuaren zenbatekoa (28.000,00€) handitu ahal izango du eskumena esleitura duen organoak, aurkeztutako eskabideak ebatzi aurretik, aldaketaren zenbatekoa dela-eta, baina horrek ez du beste deialdi bat ekarriko.

3.- ONURADUNAK

Dirulaguntza hauek eskatzeko ondorengo baldintzak bete behar dira:

- a) 16 urtetik gora izatea dirulaguntzako xede den ikastaroa amaitzen duten datarako.
- b) Beasainen erroldatuta egotea dirulaguntzako xede den ikastaroa egiten duten bitartean.

Diru laguntza hauek ezin izango dituzte jaso:

- Azaroaren 17an onarturiko dirulaguntzen 38/2003 Lege orokorreko 13.2 artikuluan (2003ko azaroaren 18ko Estatuko Aldizkari Ofiziala) xedaturiko baldintzetako batean dauden pertsona edo erakundeak.

- Norbanakoek ezin izango dute dirulaguntzarik jaso baldin eta Beasaingo Udalarekin dituzten zorreatatik behartze bidez ordainarazteko prozeduretan hasita badaude, ezta ere udalarekiko zerga obligazioak ordaintzeke izanez gero, harik eta zor horiek, benetan, ordaindu eta kitatzen ez dituzten arte; salbuespen bakarra izango dela zorrak geroratuta edo epeka ordaintzeko izatea edo halakoen exekuzioa bertan behera utzita egotea.

- Zigor eta administrazioaren arloan dirulaguntza publikoak jasotzeko debekurik ez izatea, ezta laguntzak jasotzeko ezgaitzen duen legezko debekurik ere, sexua dela-eta eragindako bereizkeriengatikoa barne direlarik, hain zuzen Emakumeen eta Gizonen Berdintasunerako otsailaren 18ko 4/2005 Legeak xedatutakoarekin bat etorriz.

4.- DIRULAGUNTZA LORTZEKO BETE BEHARREKO BALDINTZAK

a) Eskabidea (l. Eranskina) behar bezala beteta eta nahitaezko dokumentazioa dagozkien epeen barruan aurkeztea.

b) Ikastaroa amaitzerako matrikula ordainduta izatea. Ordainketaren gaineko informazioa dagokion euskaltegiak egiaztatuko du ikastaro amaierako ebaluazio txostenean.

c) Euskarazko ikastaroan gutxienez %85eko asistentzia egiaztatzea. Langabetuentzako dirulaguntza eskatzaileek %90eko asistentzia egiaztatu beharko dute. Horretarako, ikastaroaren hasiera- eta amaiera-data hartuko dira kontuan.

5.- DIRULAGUNTZA EMATEKO PROZEDURA

Kultura, euskara eta merkataritza azpisailari dagokio aurreikusten diren laguntzak kudeatzea. Saileko teknikariak arduratuko dira aurkeztutako eskabideak aztertzeaz eta ebaluatzeaz. Alkatearen ebazpenaren bidez eman edo ukatuko dira laguntzak eta eskatzaileari horren berri jakinaraziko zaio.

Eskaerak aurkezteko epea amaitu eta gehienez bi hilabeteko epean pertsona interesdunari hartutako erabakia jakinaraziko zaio.

Ordainketa Alkateak dirulaguntzaren Ebazpena idazten duenetik hilabeteko epean egingo da.

- Neguko ikastaroen kasuan (urria-ekaina bitartean egiten direnak), hurrengo irailean.
- Udako ikastaroen kasuan (uztaila-iraila bitartean egiten direnak), abenduan.

6.- DIRULAGUNTZEN BATERAGARRITASUNA

Oinarri hauetan zehaztutako dirulaguntzak bateragarriak izango dira beste erakundeek emandako laguntzekin. Kasu horretan Udalari jakinarazi beharko zaio. Hala ere, ezin daiteke inolaz ere gain finantzazio kasurik izan; hau da, beste entitateekin batera diru-laguntza moduan emandako kopurua ezin da gastuaren balioa baino handiagoa izan.

7.- DIRUZ LAGUNDUKO DEN GASTUA ETA DIRULAGUNTZAREN ZENBATEKOA

Hiru dirulaguntza mota egongo dira, eta bata bestea baztertzen ditu:

7.1. Dirulaguntza orokorrak:

Dirulaguntzaren zenbatekoa honakoa izango da:

-A1, A2, B1 eta B2 mailetako ikastaroetan, ikasleak ordaindutako matrikularen %75.

C1 eta C2 ikastaroetan, ikasleak ordaindutako matrikularen %50.

Dirulaguntzaren portzentajea kalkulatzeko hasiera maila hartuko da kontuan, eta ez lortutako maila.

7.2. Espezifikoak: baldintza ekonomikoen arabekoak .

Familia unitateko urteko diru sarrera garbiak Lanbide arteko Gutxieneko Soldata (LGS) bider 1,5 baino txikiagoak diren kasuetan, dirulaguntzaren zenbatekoa HABEk homologatutako ikastaroaren matrikularen %90ekoa izango da.

Egoera ekonomikoen arabeko dirulaguntza eskatzen bada, eskaeraren aurreko ekitaldian familia-unitateak jasotako urteko diru-sarrera garbiak kontuan hartuk odira.

Laguntza horien ondorioetarako, honako hauek hartuko dira diru-sarreratzat: lan etekinak, pentsioak, prestazioak eta laguntzak.

7.3. Langabetuentzako dirulaguntzak. Ikastaroak irauten duen bitartean langabezia dauden ikasleek ordaindutako matrikularen %100 jasoko dute.

Barnetegian ez da laguntzarik emango egoitza gastuetarako.

8.- AURKEZTU BEHARREKO AGIRIAK

8.1.- Guztiek aurkeztu beharrekoak:

- a) Dirulaguntza eskatzeko inprimakia sinatuta. (I. eranskina)
- b) Helburu honetarako dirulaguntzak jasotzeari buruzko zinpeko aitortpena.
- c) Matrikula-ordainagiria. Beti ere, ez bada Beasaingo Udal Euskaltegia ikasi.
- d) Euskaltegiaren ziurtagiria, ikastaroaren hasiera eta amaiera data, taldeak emandako ordu kopurua eta ikasleak hartutakoak, hasierako maila eta amaierakoa azalduko dituen. Beti ere, ez bada Beasaingo Udal Euskaltegia ikasi.
- e) NAREN fotokopia
- f) Kontu korrante zenbakia (IBANa eta 20 zifra).
- g) Huts egiteak justifikatzeko agiriak. Huts egiteak justifikatzeko ondorengo agiriak bakarrik onartuko dira:

- 1. LANBIDEk deitu izanaren ziurtagiria
- 2. Medikuaengana joan izanaren ziurtagiria

8.2. Baldintza ekonomikoen arabeko laguntza espezifikoa eskatzen dutenen kasuan, eskatzailearen eta bizikidetza unitatearen egoera ekonomikoa egiaztatu beharko da ondorengo dokumentuekin:

- a) Eskatzailearen eta bizikidetza-unitateko kide guztien NA fotokopiak.
- b) Bizikidetza unitatea osatzen duten kide guztiek jasotako diru-sarrera garbien ziurtagiriak (10-T, Nominak, Pentsioak, etab.)
- c) LANBIDEK, Enplegu Estataleko Zerbitzuak eta / edo Gizarte Segurantzako Institutu Nazionalak egindako ziurtagiria, kasua bada, jasotako urteko prestazioen ziurtagiria edota prestaziorik jasotzen ez denarena, 16 urtetik gorako pertsonen buruzkoa.

8.3. Langabetuentzako dirulaguntza eskatzen dutenek Gizarte Segurantzako lan bizitzaren agiria aurkeztu behar dute.

8.4 Dokumentazio elkarreragilea eta egiaztagarria.

- Urriaren 1eko 39/2015 Legeak, Administrazio Publikoen Administrazio Prozedura Erkidearenak, 28. artikuluan aitortzen du herritarrek eskubidea dutela dagoeneko administrazio jardulearen esku dauden edo beste edozein administraziok egin dituen dokumentuak ez aurkezteko; horrela, administrazio jarduleak dokumentu horiek kontsultatu edo eskatu ahal izango ditu, salbu eta interesdunak horren aurka egiten badu. Administrazio publikoek elektronikoki bildu behar dituzte dokumentuak, beren sare korporatiboen bidez edo datuen bitartekaritza-plataformei edo horretarako gaitutako beste sistema batzuei kontsulta eginez.
- Beasaingo Udala Euskadi Nisae-ko administrazioen elkarreragingarritasun- eta segurtasun-korapiloaren parte da. Plataforma hori komuna da euskal sektore publikoko administrazio eta erakunde guztientzat, eta datu elektronikoen trukea haien artean eta gainerako administrazioekin ezartzeko nodo autonomiko gisa. Horrez gain, Beasaingo Udalak foru sare korporatiboko aplikazioak edo dokumentuak egiaztatzeko eta lortzeko aukera ematen duten beste sistema batzuk erabiliko ditu.
- Deialdi honetan, plataforma korporatiboen, bitartekaritza-plataformen (Nisae) edo sarbide publikoko plataformen bidez egiaztatuko diren betekizunak honako hauek izango dira:

a) Gizarte Segurantzarekiko betebeharrak egunean izatea.

b) Egunean izatea zerga-betebeharrak, Gipuzkoako Foru Aldundiko Ogasun Departamentuarekin egiaztatuko direnak.

Erakunde eskatzailea egiaztapen horren aurka badago, berak aurkeztu beharko du dokumentazioa.

Aurkeztutako dokumentazioa osatu gabe badago, gehienez hamar eguneko epea dago huts horiek zuzentzeko edo nahitaezko dokumentazioa ekartzeko, udalak egindako errekerimendua jakinarazi eta hurrengo egunetik zenbatzen hasita. Horrela egin ezean, eskaria atzera botako da.

Emandako epea igaro eta akatsak zuzendu ez badira, diru-laguntzarako eskabidean atzera egin dela ulertuko da, eta beste izapiderik gabe artxibatuko da eskaera.

9.- ESKABIDEAK AURKEZTEA

Oinarriak BDNSra bidaliko dira, eta GAO-n argitaratu eta hurrengo egunetik hasita eskabideak aurkeztu ahal izango dira.

Eskatzaileak ikastaroa amaitu ondoren egin beharko du dirulaguntza eskabidea.

Epea: Eskabideak aurkeztu ahal izango dira oinarri hauek Gipuzkoako Aldizkari Ofizialean argitaratu eta hurrengo egunetik hasi eta horiek aurkezteko epea 2024ko urriaren 31n amaituko da.

Modua: Dirulaguntza eskatzen dutenek eskaera orria aurkeztu beharko dute, behar bezala beteta, bertan agertzen diren agiri guztiekin batera. Beasaingo Udalaren erregistro elektronikoen bidez ahal izanez gero: <https://www.beasain.eus/bulego-birtuala> edo Udalaren erregistroan, I. eranskineko ereduaren arabera.

10. HELEGITEAK

Honako oinarri hauen aurka berraztertzeko errekurtoa aurkez daiteke, hilabeteko epean, deialdia onartu duen organo eskudunaren aurrean; bestela, zuzenean kontra egin daiteke bi hilabeteren buruan Administrazioarekiko Auzi Epaitegiaren aurrean.

Aipatu epeak oinarri hauek argitaratu eta hurrengo egunetik hasiko dira zenba tzen bi kasuetan.”

d.- IGARTZAKO MONUMENTU MULTZOKO JAUREGIA, ERROTA, BURDINOLA ETA ERMITA KUDEATZEKO ETA USTIATZEKO KONTRATUA LUZATZEA. 2019BOCU0002

Ezagutzera eman da, Herritarrek batzordeko proposamena, hau da:

“AURREKARIAK:

1. *Dagokion espedientea tramitatu ondoren, 2019ko ekainaren 17an, BEASAINGO UDALAK eta ALDABE S. COOP. PEQUEÑA enpresak Igartzako Monumentu Multzoko jauregia, errota, burdinola eta ermita kudeatzea eta ustiatzeko zerbitzua emateko kontratu administratiboa sinatu zuten.*
2. *Kontratuaren egikaritze epea, bi urtekoa da kontratua sinatu eta hurrengo egunetik zenbatzen hasita. Kontratuaren arabera, beste hiru urtez luzatzeko ahalmena du Beasaingo Udalak, beti ere urtez urte.*
3. *2019ko ekainaren 17an sinatutako kontratuaren egikaritze epea bi urtekoa izanda eta urtez urteko bigarrenko luzapena iraungita, Kontratua 2023ko ekainaren 16an iraungiko da.*
4. *Kultura teknikariak 2023ko martxoaren 3an luzatzearen aldeko txostena egin zuen. ALDABE S. COOP. PEQUEÑA enpresari jakinarazi zitzaion kontratua luzatuko zaiola azkeneko jarraipen bileran.*
5. *Herritarren batzordeak kontuan izanik luzapenak bi aldean arteko espresuki hartutako erabakia eskatzen duela, Plenoari ondorengo erabaki-proposamena egiten dio:*

Lehenik: 2019ko ekainaren 17an, BEASAINGO UDALAK eta ALDABE S. COOP. PEQUEÑA enpresak sinatutako kontratuaren hirugarren eta azkeneko luzapena egitea Igartzako Monumentu Multzoko jauregia, errota, burdinola eta ermita kudeatzeko eta ustiatzeko.

Bigarrenik: Luzapena urtebetekoa izango da, 2023-06-17tik kontatzen hasita.

Hirugarrenik: Kontratuaren baldintza ekonomiko bera izango dira; hau da, 74.749,00€ + IVA.

Laugarrenik: Alkateari baimena ematea kontratuaren luzapena sinatzeko.”

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, aho batez onartu da proposamena.

3.- LURRALDE BATZORDEKO PROPOSAMENAK:

a.- BEASAINGO UDALERRIKO KALE BATZUETAN IBILGAILUEN APARKALEKU ARAUTUA KONTROLATZEARI BURUZKO KONTRATUA LUZATZEA. 2019UDBO0119

Ezagutzero eman da, Lurralde batzordeko proposamena, hau da:

“Sektore Publikoaren Kontratuak arautzen duen Legearen Hirugarren Xedapen Gehigarriaren, 8. puntuak agindutakoa betez, ematen da txosten hau.

AURREKARIAK

I.- 2019-11-28. Udalbatza Osoaren erabakia lizitazio prozedura eta plegu administratibo nahiz tekniko onartzeari buruzkoa, Beasaingo udalerriko kale batzuetan ibilgailuen aparkaleku arautua kontrolatzea lizitatzeko.

II.- 2020-02-27. Lizitazio prozedura burutu ondoren, Udalbatza Osoak erabaki zuen, ESTACIONAMIENTOS Y SERVICIOS, S.A.U., zerbitzua esleitzea.

III.- Ondoren, alarma-egoera deklaratu zen, eta beste enpresa lizitatzailerak (GERTEK, S.A.) kontratazio-errekurtso berezia aurkeztu zuen.

IV.- 2020-07-09. OARC-en 091/2020 Ebazpena, GERTEK, S.A.k aurkeztutako errekurtsoa deuseztatuz eta Udalari arrazoia emanez.

V.- 2020-07-30. Kontratu administrazioa sinatzea. Egikaritze epea: hiru urte eta bi luzapen aukera (bakoitza urte betekoa). Egikaritze epea kontatzen hasiko da dokumentu hau sinatzen den hurrengo egunetik kontatzen hasita.

VI.- 2023-07-30. Kontratuaren amaiera data.

VII.- 2023-03-24. Baldintza-agirian eta sinatutako administrazio-kontratuan ezarritako luzapena aurreikusita, kontratuaren arduradunak luzapenaren aldeko txostena egin du, zerbitzuaren funtzionamendua egokia delako.

VIII.- 2023-03-24. Idazkariaren eman beharreko txostena eman da eta espedientea kontuhartzaileari ere pasa zaio fiskalizatzeko.

OINARRI JURIDIKOAK

Kasu honetan, azaroaren 8ko 9/2017 Legea Sektore Publikoaren Kontratuak arautzen duena aplikatu behar da (29. artikulua).

Ondorioz, Lurralde batzordeak Udalbatza Osoari ondorengo erabaki proposamena egiten dio.

Lehenik. ESTACIONAMIENTOS Y SERVICIOS, S.A.U. enpresarekin sinatutako administrazio-kontratua urtebetez luzatzea, Beasaingo udalerriko bide publiko jakin batzuetan ibilgailuen aparkaldi arautua kontrolatzeko zerbitzua emateko.

Bigarrena. Horretarako, dagokion administrazio-agiria sinatzea, adieraziz luzapenak urtebeteko iraupena izango duela 2023-07-31tik kontatzen hasita eta 2024-07-30era arte.

Hirugarrena. Erabaki hau kontratatari helaraztea, kontratuaren iraupen-epea amaitu baino bi hilabete lehenago, aurreabisutzat balio dezan.

Laugarrena. Jasota uztea luzapena formalizatu ondoren beste urte bateko luzapen aukera geratuko dela.”

Hitz egiteko txanda eman ondoren, bildutakoek proposamenarekiko iritzi hauek azaldu dituzte:

Eva Alvarez Atanes andrak (Socialistas Vascos-Euskal Sozialistak): “En la comisión pregunte sobre los criterios de valoración del servicio y ya se dijo que para la nueva licitación se haría un análisis más profundo de este servicio. Estamos de acuerdo.”

Nerea Manzisidor Mendizabal andreak (Beasaingo EH Bildu): “Luzapenarekin ados.”

Bozketa eginda, aho batez onartu da proposamena.

5.- BERRI EMATEA:

- 2023-02-27tik 2023-03-29rarte emandako Ebazpenak.
- 2023-02-27tik 2023-03-29rarte emandako Ebazpenak kontratu txikiei buruz.

6.- ESKAERA ETA GALDERAK

Eskaera eta galderen atalean honelakoak aurkeztu dira:

KALEETAN BIZI DEN EGOERA ARRISKUTSUA

Eva Alvarez Atanes andreak (Socialistas Vascos-Euskal Sozialistak): “En la Junta de Portavoces de hoy ya hemos hablado de la situación de violencia que se está incrementando en Gipuzkoa. De todos es conocida la que ha sucedido en Beasain. Hoy habido una concentración para denunciar los hechos, pero no nos ha quedado claro si se está valorando o si se va a tomar alguna medida para mejorar la seguridad. Sé que en Legazpia también han tenido algún problema y desde Alcaldía se decidió instalar cámaras para vigilancia pública. No estoy proponiendo eso, pero es saber si va a haber mayor presencia policial en las calles.”

Alkate andreak (EAJ-PNV): “Azken boladan batetik eta bestetik horrelako ekintza zikinak gehitzen aritu zaizkigu gure herrietan eta horren ondorioz da herrian bizi duguna. Gure lanketak, koordinazioa, segurtasuna bermatzea etab, berdin jarraitzen du baina egia da horrelako zerbait gertatzen eta areagotzen denean, denok antenak pizten ditugu. Ertzaintza jakitun da eta ikusiko duzue bigilantzia areagotu egin dela horrelako kasuetan gertatzen den bezala. Koordinatuta gaude Bake Epaitegiarekin, Ertzaintzarekin eta gure udaltzainekin eta saiatuko gara modu egokienean egoera hau baretzen, baina askotan ez dago bakarrik gure esku. Horrelako fenomenoak gure herrira etortzen direnean, tamalez horrelako egoerak bizi behar izaten ditugu. Aste bukaerari begira, nolabaiteko prebentzio lanak handitzen ari dira.”

Eva Alvarez Atanes andreak (Socialistas Vascos-Euskal Sozialistak): “Que se vean estos casos a la luz del día y en algunos casos se vea tanta impunidad es algo que....”

Alkate andreak (EAJ-PNV): “Ados baina gure indarrak ez dira nahikoak eta inpunitate sentazio hori badaukagu. Are gehiago Udalak ardurak dituenez. Baina egiten dituzten ekintzak izaeraz ez dira oso mamitsuak. Kantitate txikiko lapurretak izaten dira eta horiek legeriaren arabera bere trataera du eta tamaina horretako lapurreta asko egin behar izaten dira, horrelako gaizkile bat atxilotu ahal izateko. Hori, tamalez gure eskutik kanpo dagoen zerbait da. Denok indarrak batu behar ditugu eta bakoitzak bere esparrutik egin dezakeena egin guztion artean egoera baretzeko. Ez dago soluzio magikorik. Tarteka tokatu egiten da. Orain dela hilabete batzuk ondoko herrian ibili ziren eta azken bolada honetan hemen dabilta.”

Nerea Manzisidor Mendizabal andreak (Beasaingo EH Bildu): “Atzo egin zen bileran datuak aipatuz gain zerbait proposatu zen, zeren eta pentsatzen dut neurri batzuk hartu beharko direla.”

Alkate andreak (EAJ-PNV): “Atzo izan zen 2022ko datu-irakurketa bat eta hori tendentziak ikusten dira. Somatzen da igoera bat dagoela. Ekintzak ez ziren aipatu baina. Herri batzuk, Tolosa tarteko, esan zuten Inauteriei begira egindako lanketa. Denon indarrak batu egin behar ditugu, hau da, merkatariak, ostalariak, Udala..., sentiberatzea gehitzeko eta ikusten dena salatzeko, hobetze aldera.”

DOLAREA PARKEA

Nerea Manzisidor Mendizabal andreak (Beasaingo EH Bildu): “Dolarea parkeko obra egin zenetik, ondoren egiten den hirugarren interbentzioa da: Zebra bidea aldatzeko, jolas eremu inklusiboa jartzeko eta orain ureztatze-sistema jartzeko. Kontuan izan da gastatutako dirutza eta diru publikoaz ari garela, gauza hauek lehen ere aurreikusi zitekeen, beste itxura bat emateko eta ondoren horrelako interbentzioak saihesteko. Ematen du amaiera gabeko obra bat dela.”

Adur Ugartemendia Leunda jaunak (EAJ-PNV): “Hiru interbentzio aipatu dituzu baina zebra bidearen pintaketa ekonomikoki ez da esanguratsua. Obrak egikaritu ondoren jarraipena egin genion jakiteko trafiko segurtasun ikuspegitik arazo bat egon zitekeen edo ez. Mugikortasun planak lagundu digu baieztatzen hobekuntzarako aukera zegoela eta zentzu horretan egin da. Ureztatze-sistemarena, ados. Interesgarria izango zen bere garaian proiektuan txertatu izana. Lehenengo urtean ikusi genuen lehen garaian belarrak sufritu egiten duela eta parke hori zorionez asko erabiltzen denez, iruditu zitzaigun berde guñe horien mantenua beharrezkoa zela. Jolas inklusiboari buruz esan, ASPACEko kolektiboa gureganatu zela eta lanketa paralelo bat egin genuela. Dolareako parkearen inguruan egin zen parte-prozesuan ez zen agertu eskaera hori baina baloratu ondoren, iruditu zitzaigun balio erantsia ematen diola, batez ere uda garaitik kanpo eta hori izan zen arrazoia egikaritzeko.”

Nerea Manzisidor Mendizabal andreak (Beasaingo EH Bildu): “Interbentzioak izan daitezke eragin ekonomiko gutxia dutenak baina kudeaketa aldetik ez da berdina. Uste dugu horrelakoak aurreikusi egin behar direla, ondoren jarduketa ezberdinak egiten ez ibiltzeko.”

Eta tratatzeko besterik ezean bilera, gaueko zortziak eta hamar gutxiagotan amaitu da eta nik, idazkari naizen honek, akta hau idatzi eta sinatu dut.